山庫全幸

史部

欽定四庫全書廣東通志卷四十七

史部

詳校官監察御史臣襲縣文 檢討臣德生覆勘

校對官中書 總校官檢討臣 腾绿監生臣趙希濟仪對官中書臣 王 鍾泰殿校官檢討臣何思釣 くこうら ハトラー 輸之被執不屈罵賊而死子豫在孝義傳 城教諭博治羣書鄉人號曰唐書風甚菜民作亂往 明唐奎字景文南海人洪武初以經明行修為授 **廣東通志卷四十** 即中遇事敢為以事左遷雲南曲靖府幕官尋署到 敬增城人洪武十四年以賢良舉授禮部主客司 物志忠烈 四至 自明忠烈侍 廣東通志

多员四月分書 泉寡不敢其下欲退敬瞋目大呼奮勇前進力戰而 龍敏號松嚴順他人正統未黃蕭養入境有與歸附 澈外戚何氏撫而育之澈子宣和弘治壬子舉人 敏抗義不屈偕二子淵源闔門八口同死止存幼子 死事開命有司恤其喪 江今孫堯達嘉靖已酉舉人永定令 **梁奎宇文燦順徳人以弘治已酉鄉薦判表州府** 州事劍 川都冠竊發來攻州城敬親率壯士禦之 四十七

火足四事全等 一 萬年城突至被獲欲降之瑞指其腹曰此中皆節義 黎民東字惟和貫次子器字端凝言笑不茍弱齡即 文章豈可屈耶遂被害事聞亦録其子與奎並祀 學點為吏後為德興典史捕桃源賊有功已奉檄城 工古文詞嘉靖丙辰成進士授行人擢稽勲司主事 區瑞順德人初為諸生負節使氣學師銜之言於督 祀於崇義祠 源贼薄城全出戰墮馬被執死之詔進秩録其二子 為東通志

金男人 世 晉員外陸驗封郎中謝絕請託好胥斂手會有屬貴 等翰城劫藩庫眾莫敢格民東聞冠帶而出左右勘 言託遂絕年四十七撫按以事聞韶賜葬遣官該 與歸同列來省民東問曰公等皆安在府蔵無悉否 弗與以是見忌出為廣西祭政禁魄獻剔蠧與度支 止不顧信身直前率守者與戰力寡不支遂被數創 以饒甲子李冬自横州行部歸迎春之夕蠻寇銀豹 人欲得王府科者是科司宗室襲代多財縣民東執 四十七 えこうら にもう 守有越城者手斬之懸首旌竿擒馘七十餘人賊以 戊午倭攻惠安居民僅九百家倭四倍之咸悉力拒 林咸字季虚番馬人嘉靖及夘舉于鄉知惠安縣歲 致祭状聞贈府通判底子 吕公車攻城咸製敵棚三座外施絮被内蔵銃弩火 石為士卒倡騎陷于淖死之巡按御史典獻科為文 鎗射之賊解圍去尋流封鴨山咸整兵往禦躬冒矢 喪歸士民請祀名官所著有司封集 属東通志

多方四月在書 李堯仰字唐馮者禺人嘉靖及卯舉於鄉丙辰授寧 克卿先戒嚴修城濟隍練兵節器已而倭寇數十來 德令惠政大行民甚德之倭頻年入寇寧德當其衝 **廕子翁龄為太學生** 馳省下為死守計亡何城陷死之狀聞贈太僕寺 倭宠復至繞城而攻堯卿仗劒督戰踰旬城中力竭 攻知有備遂解去父老上其績督府檄吳之歲辛酉 外援不至攻轉急堯卿度勢逼不可支遂解印遣 Ţ 尽 四

尺已日日八日子 國 寧事間特贈太僕寺及盛其子承忠入監泉民相率 尚正給賊釋僕取贖潜約縣令剋期外攻尚正為內 收過體有正字者是至夜尚正垂賊醉刀其渠即數 應且獨僕曰若吾不幸而死乃職分無憾尸不可誤 黄尚正東完人任江西龍泉縣秀洲巡檢嘉靖辛酉 流賊數干掠縣尚正率兵迎戰殺數十人賊退走害 田尚正追至復戰後兵不繼與僕有進俱為賊所執 縣兵不至遂被害餘賊無主皆四散奔潰泉境以 備東通志

金贝匹瓦 葉霑雨龍門食飯生員重信義有武器時山寇剽掠 尚寇赴博羅縣名斬賊首亞公總平之辛酉江源賊 将程子奇為勇搖集遇伏好死之計聞野哭卷吊 使者榝捕反寇文朝至而夕獻俘後奉府榝滅黃絲 霑雨散財募勇士以相保聚人皆樂附嘉靖問分巡 圍城急知縣劉潜以蠟書名需雨賊聞之解圍去需 雨追至鐵岡斬賊数百破其二岩奪回俘掠隨同副 建祠祀馬 る言 农 وا 1-1ここりらんなり 鐵岡人隆慶辛未水源賊流刦茂光率鄉勇三戰三 唐夢鯤宇化卿番禺人家貧力學萬歷乙夘舉於鄉 捷殲賊首劉四德後為賊所張沒于陣縣旌其廬 霖剿大寇邻廷鳳黎永元亦死于戰又有黃茂光者 官令立祠於演武亭左歲祭之子奇配馬其後兄霑 仙居縣丁內艱補知天台改知當川復改分水思字 路多險惡夢觀力請學使者巡臨考較士德之推知 四上春官不第就閩福寧州學正福寧距省五百里 廣東通志 ħ

超分四届 百言 守者拒弗納民甘望城哭夢鯤選其老稚者入城原 委署池陽事夢經垂城力守男婦避難者争趨入城 豫叛兵自武昌順流而東所過焚掠當軸知夢殿才 掠两省會劉無功諸徭怙亂逆拒官軍夢鯤獨單騎 紀曰公年垂耳順可無往矣夢紀顧星夜交馳甫 之閱月事平雅知實難縣時流寇已至潼關或謂夢 四邑皆有政聲時四川礦徒與湖南江華盗公行剽 尚稱人聽命權要忌之謫池州府經歷南至值楚

为日日日午日日 T 黎弘業守盖擴順他人天啓幸酉舉於鄉選知和州 民積栗別好補與為事崇禎八年張獻忠自廬陽三 州為淮南沃壤而弘業身處脂膏也直不入惟以養 完遂縊於官署時崇禎癸未十二月十八日也事聞 境而潼關失守賊欲取道實雞夢覷力禦之未幾李 犯州鄙弘業督率士民坚守閱數月賊不入境人有 贈光禄寺少卿賜祭葬 自成據西安三春相繼陷沒夢紀知實難終不能獨 為東通忠

金げにんノコミ 僕寺鄉麼一子入監順治八年和州學正劉蘇列狀 裹創上馬推鋒而死一門俱盡事聞說賜葬祭贈太 懈志弘業益申假臘月賊復來聚數十萬繞城數匝垂 成進士初任知太倉州多惠政以公正忤時降江西 劉士斗字蟾甫南海人天啓丁卯舉於鄉崇禎辛 大雪斬關而入弘業卷戰敗績引佩刀自刺不殊復 按察司知事不以閒散自外兢兢執法機署撫州 -請奉祀名官 W. 巷

これで 一日 とこれの 廣矢忠報國機往荆州督詢拮据萬状十四年二月 官耿介自持善理冤獄上官交薦之會流氛肆虐曰 先旋署府篆編繆撫輯憂動備至已握户部主政尋 官丁繼母艱歸服関補成都推官至則撫善良絕好 晉江西及湖南道祭議百姓痛哭遮留士斗亦不恐 **鄭曰廣字居節番禺人崇禎丁五進士授襄陽府推** 十餘人悉殉義死 建去甲申八月陽賊破成都士斗 罵賊遇害 監門 備東通志

銀方四月百十 僕鄭茂與於南門城上得廣屍士民舁棺險之報即 署曰廣不肯傳語恐搖人心城陷俱被害越七日其 若退步百姓何恃身先昼降受矢刀而死家人在官 将軍時年二十四方乞假歸娶猝遇報急衆将請堅 馬觀鵬字扶泰順德人少英勇奮身從戎崇禎問隨 陽巡撫泰繼咸親行祭奠 征流賊有功授江西祭将守贑州加副将進階飛虎 曰廣還署忽賊聚攻城吏人請避其鋒廣叱之曰我

尺見り目という 察院司務選户部主事晉郎中管京糧極出知袁州 後竟死節其妄與諸子婦咸從之丙戌冬十二月總 督佟養甲入廣州親往祭奠表其門曰闆門死節之 府庫潔自持權太僕寺少卿甲申流賊陷京師遂歸 萬歷两千鄉書初授海康教諭權國子監助教改都 霍子衡字覺商南海人瑞州郡丞騰蛟之子弱冠舉 妻譚氏聞計矢節在列女傅 守以待鵬曰不可以私情誤公事遂進兵力戰而死 廣東通志

多分世屋石書 震諸生郭景相樊良佐黎士奇李應春與廷槐孫 家同時死者衡好子番禺舉人梁朝鍾及舉人樊于 **鄧颙字伯昂樂昌人少精星術登正統壬戌進士奉** 理王球南海舉人梁萬爵龍門舉人廖翰標等 使楚牆勞衛士卻購不受楚牆嘉之且上其事明年 授江西永豐知縣平易近民剔除積與復奏減額外 賦散聲載道王山有被殺者冤久不雪機駶治之關 右廣州府 卷四

こううしょう 備宠至軟停之後寇勢轉感都督劉聚都御史張档 誠籲天俄而大雨如注雷震樹及神像上官髙其能 冶免課數千兩布政使吳潤三疏薦之未報適葉宗 疑微軟委之當治事浦城釋當籍沒者三十家聚銀 部民又争犯妖神以為能免癘疫而終成大旱關極 擁兵鉛山逗過不前寇從浦城直歷永豐關率兵干 留反於浙鄧茂七反於閩永豊當兩寇衝職嚴為之 衣冠隱儿卧神啓其展遂正厥幸境內有樹妖為崇 府東通志

多定四月全書 餘迎戰俘賊将二人乘勝而前遇伏被執見宗留罵 張叔夜等並祀子暖字良壁景泰丙子舉於鄉授 俄而雷雨大作宗留驚懼舁屍萬遭巡司署中巡按 中白瑩為請益忠毅配祀張九齡祠仍機廣信府與 其家給帛六十匹粟三十石助葬事天順元年給事 御史韓雅以状聞的贈光禄少卿遣郡停李實祭于 理評事權湖廣按察愈事分巡湖北境接貴州徵 曰我為國殺賊恨不傑汝內裂汝肝遺憾也遂被害 פיו

久已日年·白雪 泉戰於城南伏兵猿藤逕生擒渠魁一人殺賊三百 書有學行師事陳獻章布政使吳廷舉甚重之 餘人以為寇不足平進戰于獅子嶺陷陣死之知縣 何士仁翁源人正德十一年三浰劇賊池仲容自稱 陶鼎為之立祠 源悉力拒之成化元年寇復至洪進為捕盜老人帥 吳洪進翁源人天順初廣西徭豫四出侵掠再追翁 煩劇民不堪命暖不得行其志致仕歸弟球亦領鄉 廣東通志

金りせ **岑猛叛從督府姚鎮征之中流矢而死** 金龍王流刘翁源南赣督府王守仁合江廣之師剿 民兵總目率聚截捕先登斬級後援不至遂遇害縣 李貞字祖禹英德人正德問為荔波令時田州土官 邑令傅雲祀之于忠義祠 之士仁以陰陽官從征有功入九連山搗巢殁于陣 徐本和英德人嘉靖二十五年賊掠大灣鄉本和為 龙四 ハススララ へこう 皆陣亡鄉人祀之保安廟側南韶兵備劉穩旌之 曰 灣殺百餘人救出被掠男婦數百援兵不至與弟湖 年十八山流賊行封通鄉漢兄弟率兵追賊至野猪 范漢字印泉英德人與弟潮以武畧聞萬歷四十四 戰及於陣知縣甚廷的為立義勇祠 執戈躍馬與賊格闘斬獲甚衆馬蹶被殺應乾亦力 劉廷龍英徳人年踰六十勇力未衰嘉靖中大羅山 程賊冠境與同邑周應氧並舉義勇統兵禦戰廷能 B 鹿東通志

多员四母全書 李能一英德人讀書為儒崇積四年流賊到塘下 勇冠三軍 鄧葵樂昌人忠義都關後裔邑諸生性負剛俠崇禎 屈竟死之 館復斃二城鎗折被擒贼逼之跪能一属聲罵賊不 族泉被掠能一獨與賊闘斬九賊賊以鎗刺之奪 辛未流賊破城葵奮身維護縣令林開馥罵賊而死 陳志召英徳人充鄉總與其二弟旨以勇藝稱忠 村

C. 10 101 / 14.0 後録功廕子瑤為國子生 禮部精膳郎中為人敦厚周慎當出使寧藩謝卻饋 中謀與同歸學明曰君辱臣死将安之乎遂陷於陣 馮學明保昌人宣德中以貢入太學授工部主事思 儘王重之正統十四年土木 之難鄉人鄧力士在陣 戰眾寡不敵被害 四年流冠利掠大陂等處地方志召統鄉兵百餘血 右部州府 质東通志

多分四月全書 屡登薦判天啓二年宣慰使安邦彦稱兵逼城国守 經年搜獲問謀匿米數十石盡以鉤軍且罄貲索散 陳王政保昌人監生任貴州都使司都事歷俸四載 特贈通判 脈部下隆冬枵腹垂城斃於城上都御史李橒奏聞 拜山東道監察御史抗章十餘上多見用建文庚辰 王度字子中歸善人少肆力經史洪武中以明經薦 右南雄府 各四十七

ここうら とふう 上の 者户留一丁應成於是度死節益著提學歐陽鐸立 位部曰方孝孺等甘忠臣可憫因大赦諸家族之存 祠祀之嘉靖十三年的盡釋親屬之在戍者給其裔 闔門被繋 真於法戚屬連坐一百五十五户仁宗即 之捷命度勞師徐州及永樂即位坐黨禍成賀縣旋 日陳辛已夏六月濟寧告急度請募兵壬午春小河 有東昌之捷景隆徵還復兼國政忌庸功龍之度亦 **靖難兵起李景隆敗績諂以盛庸代之度密陳便宜** 廣東通志

多方四母全書 德百度修舉洪熙元年黎 利叛攻封郡邑所在皆奔 降獨簡城守數月援兵不至城遂陷簡被執不屈死 判官時交人初附冠屢起諒江九劇簡至宣朝廷威 劉簡字以忠歸善人永樂中以鄉薦為交阯諒江州 孫王朝堂衣巾俾世世奉祀 祀於表忠祠 其弟及妻子七人死於井諒江民建祠井前祀之後 張機與寧人縣學生天順辛已邑中賊起微慷慨請 尽 19 +

Ł

ていり うことう 自效從都指揮張通至程鄉遇寇挺身與戰斬首數 異部上馬去自徒步走被執極口罵賊不絕聲賊支 羅澄與寧人為縣里長天順問知縣舒韶出禦賊澄 級日晚贼稍退微進戰奮不顧身被執不屈而死 賊煽亂子秀獨能畫策保其鄉又設奇誘致賊百五 解而焚之 從行部敗墜馬賊逐之急衆皆散盡澄飛騎至部所 巫子秀興寧人家居羅問與諸賊巢穴近弘治於亥 旗東通志 古

多定四月百十 戰以寡援被殺賊退其妻覓其屍歸葬之知縣智佑 害裂其屍 泉莫敢抗仲虺奮激率鄉人往禦至白沙坑與賊鏖 羅仲虺與寧太學生性剛勇正德已已流賊陷邑里 逼之跪子秀属聲罵曰死即死爾肯為賊屈即遂 親吊其喪酹馬 人皆斬之獻馘于官復請官兵盡滅其屬賊憾之 夕圍其家子秀夫婦被執賊先殺其婦示子秀欲 卷四

欠足四事全十 **積栗散家計訓練什伍保全鄉里兵備道知其能檄** 弟逆戰手殺數人賊畏其勇攢刀馬 望風追算曰老人不惜殘軀以報國且扞鄉里帥子 奮罵曰公等無鄉里妻子之念欺朝廷糜原食大禮 陳大禮永安人為潘司禄嘉靖末賊起遂告歸祭壘 恩的賜冠帯體尚矍樂正德間流賊突至其鄉居 何算與寧人自少膂力過人耕稼樂善年八十餘被 大禮同千戶湯熟討曾廷鳳戰於黃沙官兵却大禮 海東通志:

垂りじ 竹派 擊蘇繼春於泉砂埔狐軍深入賊圍之數重槐短兵 樂七十有九鄉竟不敢入槐之力也後從副使王化 李槐長樂人當隆慶間聚衆數百以衛其鄉賊屠長 敢爱生損威辱國力戰死之督府賜金祭葬立祠苦 接戰身被數創死 張燦歸善人都司張蔡次子生而驍勇有父風萬思 間當領兵征鍾陳巨冠生擒斬級不計其數軍至黃

くろうら から 者崇禎四年河源巨冠猖獗宗武親冒矢石連戰皆 雞五老上臺以将種嘉之署碣石衛三十年威名甚 司鎮建昌衛宗武龍父職即領兵出碣石擒倭賊蔡 事留家馬繼征岑尚賊首李文彪婦其穴權四川都 牛渡遇賊力戰援兵不至殁于陣人以為不愧將種 倭冠征河源長吉中心等寨有功陞惠州衛指揮飲 任宗武字元勲其先灤河人父道遠熊祖干户職斬 廣東通志 <u></u>

多気四月百言 堂族人 **梗果魁幾就擒忽為謀者所誤反陷賊伏中單騎衝** 突連斬數級竟沒於陣宗武生平孝友俸入悉散族 **张世職加陞都指揮飲事賢能繼之** 宰安福性峻潔不阿每事必礼記而行一稟於法或 莊班字惇之揭陽人年十四遊,郡庠弘治两展進士 以名諺難之曰三尺法如是吾知奉法而已割學舍 右惠州府 八聞計皆失聲數日得其尸顏色如生子其璿 卷四

欠己可和心時 膽士田復考 事後嚴淹女禁尋名為給事中極論! 薛宗鎧字子修揭陽人登嘉靖及未進士令貴溪調 持不與復禁絕其私交豪銜之陰謀構害典挺身往 将樂以才堪治劇移建陽剔好裁實修學建橋又置 見詞色俱勃遂杖而囚之不食三日衣冠危坐而死 尋捏他府長史時宸濠蓄異志範諸宗挾借禄米典 御史王完疏其忠嘉靖改元贈太常少卿遣官諭祭 五十餘間以居生徒比考最疏乞改教調國子博士 廣東通志 1

銀分四座 有量 宰汪鋐儉倭鋐用微言激帝怒遂下獄杖八十五日 賊攻愈急城陷其卷戰死之君錫超學官具衣冠名 年已未夏四月倭宠福安君錫與教諭程箕分守-謝君錫海陽人由貢生授福安縣訓導嘉靖三十 而死隆慶初贈光禄少卿於一子揭陽薛氏多文學 集諸生申明大義拜廟觸柱死初君錫為諸生時與 小西門間令人馳賊壘頗有殺獲面中流矢不為動 而宗鎧直節尤著祀名官鄉賢 卷四十 くれりう へたう 楊朋字悦之大埔人天於辛酉舉于鄉辛已授湘除 為賊楊天桂所執曳至望岡嶺越二日天桂該之降 将過湘陰開請兵備之及未八月張獻忠至湘陰以 其教人必忠斯知已之言矣 其赴安福也潮陽林大春為文贈之曰其取友信者 知縣湘陰為長沙上流戚自陝西入湖廣岳陽不守 火攻城開集鄉勇突烟而出拒城于白鶴洞長沙腦 修撰林大欽善大欽以養親歸尋卒君錫力存其後 THE STATE OF 廣東通志

多好四月全世 有傅 原遊幸矣乃挈妻子共六人同沉於湘江子州俊另 酉鄉為歷建昌訓導六較文聞致仕家居當修郡志 梁致育字遂初高要人通五經志行萬潔以洪武癸 不應授以長沙知府開罵曰我豈汙賊官者得從 令講書為聲寫曰鼠輩者晓禮義必不為此賊不忍 天順二年流賊掠蓮塘致育年九十六且瞽被執賊 右潮州府 卷四 屈

大足四年全替 一 慶遠府同知居官康介以民事自任天順三年城寇 賓遠安二縣有政聲錦康 静剛方為於人倫仕至鎮 害以竹與舁之行致育知不免語舁者曰至選口深 禁正字夢吉高要人由宣德乙夘鄉翠思尋州鳳陽 太守泰載以賓禮迎之終不往 淵即白我遂投淵死賊驚數而去有竹屏稿蔵於家 江府同知隨致仕歸行李蕭然家居屏跡不謁公府 子被應浙江鄉薦被子瑜瑜子鏞母果於鄉瑜知來 ~原東道志

生ラリ 慶遠圍旗山正督兵赴之賊不戰而潰掠者獲免賊 **黃振方剛飲正請救弗顧遂上馬去督東繭那地目** 知正無援潜躡其後正反施力戰子公榮死馬後兩 葉威聞於朝制曰蘇緘擊智高於邑管偕子孫以捐 電風雨大作雪深尺許賊大驚解圍去提督都御史 兵及民兵三百人往援抵柳青舖遇賊力戰賊叢剌 日賊合衆攻雞制等寨報至而都指揮黃鉞與知府 之與從子官慶兵民據用和等二百人好死是夜雷

これずらここれう 古人贈朝列大夫廣西布政司祭議祠額曰忠義 署中盧龍令鄧紹禹以聞贈光禄寺丞 滿選與化同知督即留之崇積已已城破冠帶縊於 羅成功字惟一萬要人萬思及如鄉舉謁選得永平 軀馬壁挫海牙於静江胥将士而殞命正之節奚譲 陳思賢化州人領洪武丁卯鄉薦授漳州教授漳 推信時兵飼叢雜成功綜核廉平三輔倚以為重秩 右肇慶府 Ħ 廣東通志

銀六四月全書 文浮於行思賢訓以忠孝禮義靖難記至思賢働 配以六生 與其徒吳性原陳應宗吕賢林班都君默會廷瑞不 出迎詔即明倫堂設舊君位哭如禮郡人執送京師 思賢與六生皆死嘉靖中提學副使邵銳立祠祀之 林雄符瓊茂名人成化初流賊四起雄與瓊倡率三 百餘人保障鄉里賊不敢犯郡守劉海賴其力城社 以完孔錦繼至奇其才薦之愈事陶魯督府韓雅 卷四十

えいりらしたれり 鳙與魯立祠祀之祠額曰義壯 意死有遺恨拔箭挺身關死雍嘉其義為文致祭俾 嘆口身不足情但残賊未盡滅無以報上人激勵之 戰功兩人出入公偕率先登陷陣後中流矢被重割 名問地形兵勢慷慨明白乃給以冠帶命隨征已而 十六年張獻忠犯安福直逼縣城勢不可支解印綬 邵夢何電白人任江西吉安通判署安福縣事崇禎 從鳙破遊魚寨平禹禾平羅村又破長塘兩營屢立 偽東通志

多员四月 全書 東鑑今統民兵為保障與賊大小二十餘戰未 鄉人為什伍籍其勇壯率以禦賊常獲賊級知府饒 檀昭靈山人以貢入太學有勇略景泰問盜起昭編 兵外動疑夢何內應夜殺之於安福城外古安紳 付僕逸出身效死守及賊登牌獲夢何至營以禮待 之勸其降夢何曰城破矣吾有死耳竟不屈後以鄉 公請建祠祀名宦順治十六年復祀鄉賢 右髙州府 卷四

らくこう ショート・シー 今祀鄉賢 胡松海康人自少孝友長以勇聞罷指揮使嘉靖 每戰皆捷賊避其鋒後大戰于白沙坡被割死人 境攻陷城邑守将先通昭力戰死之藩鎮遣官致祭 **尽之今白沙坡有裁勇塚 動前後馘賊六百有奇後廣西龍山賊數萬流刦** 一帶海康人騎勇絕倫天順中搖賊侵境率師禦賊 右亷州府 廣東通志

多定四年全書 賊於勞沙港身與賊戰鼓聚陷陣竟死於敵御史 海賊突至松赴海北道請給憑買丹募士督戰船 陳邦傑徐聞人隆慶初年海寇剽封衆推為長六 節嘉靖四年海寇流封至村有年語兄扶其父懋出 柯有年徐聞人教諭懋之子補邑庠生性慷慨尚氣 仲楫題請賜其子紹忠一級給田以瞻其墓 走以身樂敵而死賊退村賴以保鄉人立忠勇祠祀 卷四十 徐 捕

とこりるという **啓順天乙榜判荆州尋轉貴陽同知督的征點宠義** 麼子燮 鼎入太學 激捐驅崇禎十四年我數益忠烈賜祭葬建坊崇祀 大至遂遇害然贼氣亦索圍遂解 梁思泰瓊山人以父湖廣巡撫雲龍底入太學登天 倭寇逼城泉沟沟不保邦傑出戰手刀二賊會城泉 右雷州府 右瓊州府 廣東通志 幸

多分四個石量 陳添佐新會人五歲失怙與季弟添佑有於繼母元 佐每思母椒哀哭賊憐而歸之見母於樓岡羈困採 **未盗起奉母逃山澤問陷賊中母子問絕者十年添** 拾以養至洪武初始與弟奉母還鄉縣令舉孝廉不 與訂為家式百條及三省九思十戒訓其家鄧林為 佑避薦而來微服為傭人不識也添佐延至其家 就治喪一奉朱子家禮祭以鄭氏家規時南海李真 孝義 卷四十七 袙

てこうこう こころう 安開兄喪即歸養後以母命復教諭容縣時大疫縣 太學官至工部主事督理營繕以應勤著蘇祀鄉賢 湯有容名載以字行新會人洪武丙子鄉薦教諭興 刑患生曰兄永宗祀弟請代死遂械繁之京就死 梁惠生東莞人洪武初其兄惠養得重罪當解京即 同獎四十餘年錢帛不入私囊洪武二十四年貢 作月溪處士傳 朱壁清遠諸生丁母憂泣血三年未當見齒與諸弟 旗東道志

多页四月全書 壞人令毀之祥不聽曰是循彷彿見吾親也年甫北 我矣父果不選群自後成時泣拜於牆屏下歲人牆 祥甫四歲攜至牆屏下語之曰吾行恐無選期兒別 喪妻亦不復娶 梁孟祥順德人性至孝永樂初父以吏長流口比 盖 乙庚农云 令彭清將危人避去有容力左右之無何疾愈人比 金誠字誠之眷禺人尺籍緊廣州右衛讀書社學

といういなんはかっ 樸人也正統初以疾乞歸有詩集行于時 誠執禮如平時竟平反之誠性易直不事表暴當侍 轉刑部會張奪人貸逮至京師命誠鞫問張自危甚 其衣使雖草烈日中稍緩則撻之誠泣曰讀書其顧 免水樂丁酉誠領解首明年登進士授工部主事尋 楊令且虧體厚親矣張怒併逮其父窘辱之子金乃 使麻張最無賴遇諸塗詬曰軍餘乃敢效儒生耶穢 水樂比巡同行者視其舉動朝夕未當失尺寸盖敦 廣東通志 ÷

多为四月百言 **黃遊作詩文有古法痛父非命建夢我亭以自傷當** 唐豫字用之南海人 行岩此 暑未嘗去衣冠訓誨子弟公端立正坐然後授以句 定鄉約鄉人世守之子壁亦有文行母病瞽璧朝 讀或以為迂曰文藝末也不收放心何以教授其敦 親話之後目復明公卿多欲薦辟輒以母老辭雖炎 客悌與字行白香山人學博行修永樂中以明經署 他 順父全見出烈傳豫少從孫

・ショララ ントラ 雲風集 **薦於藩司以親老辭歸居喪毀齊三年不站酒肉與** 母殁哀毀踰禮邑人稱為孝行先生善書工吟咏有 孫女數人母陳氏病癰悌與躬親湯藥十三年無 懈 何特淵東完人少從羊城張仲壁學旅館夜分忽有 兄潜珍頌白猶同財産年八十五卒 少姬窥牆遽斥退之洪熙初知縣李正舉經明行修 師儒士大夫咸重之居家有禮謹祠堂之制嫁宗族 3 府水通志 六六

銀定四母全書 弟奔散珩負母麥氏避難過鳥相涌遺刀傷足不能 魚蚬為養丐得飯餘必先以奉兄寒則分衣十餘年 行贼殺之數日面如生兩目下有淚痕見者異之云 **郊珩順德人正統已已城至其鄉焚掠珩父遇害兄** 洗二順德人與兄俱孙貧不能娶兄年五十瞽二 務大司馬余子俊甚才之超拜四川愈事以忤臺臣 不衰兄死哭甚哀不能殞鄉人醵錢厝之 張善的字彦光順他人天順壬午舉于鄉授兵部 卷四十七 取 司

ここり うこへいう 趙蘭生貧且後人莫之顧善昭頻視之蘭生垂絕 奏朝野壯之尋致仕初天順及未南宫火友人劉琮 矣何外屬尚以奸惡流配百年不有哉乞復其家書 寧在朕當用之昭帝亦稱方孝孺等為忠臣既忠之 皆練子寧肺附善昭上言子寧忠貫古今太宗謂子 謫鳳陽通判轉臨江時魏安生等八十四人隷尺籍 死馬善昭於煨燼中得其遺骸歸葬在成均時同舍 一謝曰螻蟻何足累君君自爱比再往已卧於地善 7 廣東通志 Ė

多定四月全書 進士德善昭禮事之終其身馬善昭周厚本支及其 陳晟字美宣者禺人少孤貧同郡鍾定者育為子遂 将授官抗疏請復姓歸葬詞甚哀側報可歸而事 訪信宿乃去孫察另有傳 鄉人 的無其心尚温復舉於床越數日乃愈明年關生登 禮敬畢至後定知其復姓大詬處衣冠請杖至流血 冒其姓舉天順壬午解首後四年成進士改庶古 人所居害舍無凍餒者布政使劉大夏嘗單車

てこり ラニトニトラ 容師假香山人悌與四世孫自少性純孝父惟癱疾 富室欲妻之不許此黃卒甚為傷掉陳獻章重其為 者未幾年於官晟妻黃氏鍾族義女鄉薦時尚未婚 出知雲南臨安府剖斷如流僰人警服除冗費以萬 計點國公索嚴饋晟執其使囚之自是無敢干以私 兄弟六人惟師偃朝夕侍側正德丁丑寇掠其鄉 終不敢起定亦感悟相好如初拜户部主事歷即中 請東通告

多先四月全書 商買各事其事鄉人稱其室無私館索無私錢比之 數百指同獎內外無間言冠婚喪祭一循家禮耕農 陳凱南海人世家九江堡兄弟八人立宗子為家長 肯去泣曰父子相為命去将安之俄而宛至俱被執 各奪贏師假負父而逃賊追之急父麾使通師偃不 父遂就焚死時年二十一父哀慟說祠置田祀之 縱大焚其父師假泣曰父老且病請以身代寇舍其 なり十七,

くこうに 霍任字尹先南海人少同兄韜讀書僧舍衣冠相對 成侵令家人减食以 服有兩田 題關乙不勝 毀甲 雕甲將訟於官任諭之不聽乃為修其雕具酺醑 任泉石自娱然赴人之急甚於其私有被誣殺人者 母殁哀毀成痞廬墓西樵遂移家馬兄方歷顯要而 即暑夜不改人服其端莊兩試不遇遂潜心理學父 之甲鶯曰田叟何以當此遂不復訟棲西樵垂四 **未嘗識面軟為雪其冤其人後致百金謝揮而不受** ... 简束直志 芫

欽定匹庫 全書 羅萬里字一鵬順德人為諸生事親孝與弟萬程友 南孝子子孫即其廬為家廟在錦嚴之西麓今祀鄉 賢 其門至崇禎十五年御史柳寅東觀風於順旌曰嶺 爱男女四十口同爱邑中立社倉萬里首捐義百餘 年此卒間者莫不悲悼所著有心性說解宙山刺言 關祺稱順他人早孤與兄祺祖弟祺和相友爱正統 石後饑又罄困以販御史楊以誠知縣會仲魁俱表 卷四十七;

ここり うここれう **越多力有膽氣率泉商挺刀逐城賊不能渡悉奔散** 養母每事必各禀于兄一錢不入私索尚書張泰為 商于陽江隣賊驅掠男婦幾三百人欲奪商船以濟 妻子脱走獨母被掳去儒震詣賊求代賊歸其母縣 **節儒震順德儒生師事湛若水事親以孝明夜遭盗** 被掠者皆得免 鹡鸰歌贈之子孫守其訓三世同居成化甲千棋稱 已已攜母避兵及賊平家用不給祖稱與弟經商以 E 廣東通去 主

多英四月全書 多傷殘而儒震竟得全歸人以為若有神護 令胡友信聞之並合東莞兵勒賊兵戈搶攘被掳者 光裕嘉靖乙卯鄉為歷左長史居官廉正所至有遺 好施常為人直誣而却其飽不較侵地人稱長者子 至見其文欲辱之以未預試義不受諸生上其行府 阮珩字國用順德人居喪哀毀骨立督學潘府行部 四難文旌之又同邑余尚卿性孝為萬才生行潔

大臣司事合告 司 官以母老留家人事之止攜一僕以行尋雅主事欲 李悦字子喜新會人天性孝友年七十念及父母軟 抵家七日而母卒人謂孝感竦置祀田捐產 縣兄邑 順德嚴竦俱以孝友稱翔嘉靖於未進士授衛州推 居臨海颶風作屍棺漂泊悦皆收而葬之同邑李翔 流涕長兄七子二十餘孫產薄不能自給招與同居 改南迎養或止之翔曰近思老母夢魂飛越遂請歸 以已產均之族人多來依者至百餘口庭無問言所 廣東通志

金り口 里旌馬 議征安南理餉有功受金幣之賜倅梧八載以持 陸任也字希旦南海人正德丙子舉於鄉歷知清流 **忤僚長ా華官歸積俸置產與二弟均之二弟議曰** 縣居官六載不隨家累以康静稱轉格州府同知時 乎且拮据自兄宜析產為五兄弟議讓鄉評重之 兄三子吾兩人皆一子豈可使吾子之産三倍兄子 かんご 一汝淫思仕知州父逍產數百金盡讓其弟自 ŧ 同

九三日東 上馬 晝夜號沒以滿出金與贖之舅表給修及遺幼子 京以母老陳情終養母喪畢復入南監祭酒費家尚 衣瑞字廷桂新會人性質魯早失怙每奉 遺物軟込 清約亦以友爱稱 龍溪縣还有廉惠蘇卒于官次 朱以藩清遠人孝友尚義歲饑鄉民盧姓者鬻其子 不已遭盜火其居惟遺物幸存其孝感如此以貢至 女以藩為之虎丧具畢婚嫁隣族多家賙郎以貢為 FEE 廣東通志 -弱

金牙四月 石量 最龍幸以同鄉求見津善群之福亦服其素履不舒 **毕庶出尚幼所生母素悍盡奪財產以私其子津界** 史姚虞督學蕭鳴鳳並旌之 其門後授遂昌主簿時南海有陳佐者以孝行稱 書湛若水交薦嘉靖初廣東布政使李中以開部 梁津字濟甫番禺人幼有至性事母區氏以孝 聞李 不介意撫之益厚嘉靖中午鄉試第一辛丑成進士 刑部主事迎母就養以學行改吏部時大瑞麥福 札 旌

こううここう 應新久無子年七十五始生子用淵以鄉薦仕至通 二喪歸 泉培服其量卒於官年三十有五母區一物而絕 判 者莫不盡傷冢宰素重其賢憫其質率係屬致轉該 瑞金令晚年邁奇疾藥弗效應新百計療治疾遂瘳 鄭應新字孟元順他人宋主簿漢章九世孫也父真 也循資當轉文選司同僚有越次求得者津即讓之 廣東通点 閗

欽定匹库全書 表之 陳絢字東素東莞人應及十三世孫性峭直不能容 章拯在其門未幾病卒督學魏校遣官致祭且立碑 側哀毀成病母强之歸居宿外舍如是者三年督學 鐘雲祥字天兆東莞諸生執父喪哀毀骨立結廬墓 户者数截邑中子弟相率師事馬隆慶庚千舉於鄉 赴春剛不第歸與其徒誦說不報達室滿然不干有 人過朋友或少節禮唯恐約知讀書道家山足不窺 根/四ト こくこりうこという 李治花縣人生而父殁其母劉氏以節孝聞浩事母 禮與約並重鄉評 陽光慕其行以女妻之未幾浩卒妻亦守節事姑曲 孝謹及長教授以供散水年三十貧不能娶里人 事同邑表以芳乙卯舉於鄉亦以古人自期動不踰 淹法倡置,我田年四十卒邑令楊寅秋給地供其祀 盡婦道隆慶五年御史楊標列状以聞韶旌其門 司然喜論時事利病民有冤抑每代白之做宋范仲 7 廣東 通志 丰田 歐 曰

多六四月全書 **黃親英者禺人事母至孝家貧四十不娶人勸之曰** 節孝之門 率以為常比母卒後始娶妻舉一子尚書湛若水恒 市肆具精飯魚肉奉母而後自炊珍果嘉疏必以進 不欲分母食也每辰出賣菜先具温湯及食時則 給之栗有司表其廬 何功右字元理順德人生三月而孤母李氏守節育 之功右有至性稍長問父容貌見遺書朝涕泣奉 卷 四

ていずら から 孝明 劉縣駒字佩甫南海人由思貢授懷集知縣鄉居 **歷丁酉御史劉會以聞下詔旌之** 録以寄哀家中産芝九並甘露降於庭人謂孝感萬 極惟未當離左右母病額天求代居喪哀毀著苦思 **岑徽字理献南海** 母得脱而聯勵被賊殺死聯賜妻葉氏守節事站以 山賊流到母李被掳去縣駒持刀追之手刀執母者 Ţ 賦性孝友少業儒不售遂由吏 廣東通志 ÷ 值

郵分四月 子言 李敬問字異東南海人尚書待問同母兄也授光禄 多行善事當低金於人質則焚券里中始喪賴其販 員授職主簿以修殿勤勞為冢字施鳳來所稱鄉 寺署丞少遊燕趙豫楚吳越間博覧有才志見兄弟 給朋友無後者代為治喪施藥治橋刻迪吉録風世 **超登仕籍遂壹以養親為事年五十母喪哀毀虚墓** 子将 里稱為善人卒年七十有四者遺訓二十條以誠 巷 ø

ここり ラーハー 成立丙戌海寇披猖敬問樹柵鑄礟簡練鄉勇以杆 卒年七十有八子象豐領鄉書孫茂甲子副榜募庚 村堡戊子歲錢蠲産乞程以販餓者所著有嚼蠟篇 訓子姓甚嚴無狐姓若已子里人彭砥吾寝疾屬其 孫鐸著性道管窺諸書鐸孫壁常同王守仁講學響 趙響字心極東莞人宋進士必豫九世孫也必豫元 子副榜能世其家 二子并索中六百金敬問為之治生延師教之後俱 廣東通志 幸

多方四月全書 識仁鍋自是朝夕體驗踐優益實生平學力以禮教 弟知之至能孝能弟行之盡起元然之授以羅汝**芳** 為宗性至孝事親備極色養殯葬誠信屏絕緇黃三 知能曰知善知慈是良知為善去惡是良能知孝知 問性有動静乎曰有動有静者心無動無静者性問 夙永家學昼從鍾昌授毛詩既而師事楊起元起元! 年不入內室祀先吉蠲拜獻肅如也推爱族黨貧不 婚葬者助之丙申歲禮販粥通月萬思乙已以明

いろのううろとう 書 盡歸之鍾萬禄鍾自得其最著者先是清邑侈靡每 友博極羣書屢試不售授徒清遠四十餘年邑之士 懼其嚴正俗為一改二子目烈昌緒時績學源行卓 **識飲侍姬盈左右國相公訶禁之否則拂衣去邑人** 鄭國相字鳳陽順德人宋主簿漢章十一代孫性孝 有父風長孫啓中膺歲薦為專名宿次孫際泰康熙 經薦於朝所著諸經酌言積海志畧文廟崇祀志諸 廣東通志 ŧ

多员四母全書 黎克賓字唇堂南海諸生事親孝謹有經濟才崇禎 改第令凳築而已由是公私便之性喜排難解紛周 白子當事布政使王世德膀示曰路循古道無容遷 間邑令奉檄治馳道将壞民廬舍人情震動演侃侃 恤鄰族卒年七十有二其繼室譚氏年至百歲五世 乙夘舉於鄉登進士入翰林人以為碩德之報 余帝選順徳人孝事二人無問言丁內艱三月食粥 堂人咸嘆美

ここうし へいり 成薦 喾捐地以舉喪之未葬者自少為諸生困於棘聞 晚 鬻産八十金與之舅氏有女早失怙恃資其婚嫁生 平行善甚衆屢試不獲雋年五十三卒子挺芳庚戌 林清字肚生南海人少喪父事母至孝父妾生弟方 年隐居教授所著有四書秘義 **养年蔬食水飲生平以操行自屬不入公門性好施** 九月清撫育成立已所置産悉均之叔王房貧無業 府東通志

多是四库全書 隣里收道旁東兒多存活遇山冠死之子文英中書 蒙景澄仁化人母病籍額告天求以身代父患疽時 舍人 衛晃者出人部投經歷性剛直務勤儉歲機捐資脈 學察克廉表之 縣克知字君舉樂昌人性至孝少為諸生有志道學 以口吮血居喪爐墓弘治元年縣令邱璥上其行督 右廣州府

とこうら べき 日 試遂中選在太學時祭酒程文德甚重之呼為老友 御史張守約表其門 俸人悉均兄弟丁內艱廬墓哀毀遂不復仕崇禎間 鄧魯樂昌人壯年喪偶不再娶以歲貢授端州訓夢 嚴當大比適父病報不應督學余本移文督之勉就 王動環英德人賊劫其鄉賴氏驅掠男婦日中未散 白雲端樂昌人以明經司訓澄邁性至孝少時為父 吮疽父賴以安 廣水通志 主

多方四月百言 併命具有異似過矣意父 被重傷數環尤甚病創三日甘卒急隣之難至于父 動環率其三子往於手斬一泉城眾乃奔窟因格 陳禮恭保昌人家尚淳撲規範整肅宋嘉定初遠祖 子相殉鄉人表其問曰一門孝義班五子云守堂 **歷年三百傳世十二食指百計內外雍睦無間言** 公祐與弟汝賓同獎至成化中禮恭遵其遺矩不變 右部州府 有具于 **开那**那 膦救 之膦 19 關歐柳仍為傷勇之死子急于救父事勢所激 トと 歌、因 而||殉相|

ここうらんこう 喪哀毀幾絕既葬廬墓忽一夕有巨蛇入其廬俄而 林符以状闻加異勘 仕歸養御史勝其堂曰崇孝榮歸居母喪哀毀骨立 **必顯友愛嘉靖丙辰昌以貢任秀水丞居官三載致** 鄧必昌字希文始與人幼失怙事母至孝撫弟必隆 府江璞躬至其家題至和堂以美之弘治壬子知府 彭憲祖字東井弟懋祖字似石始與人孝友敦篤親 力行古禮當作家訓以遺子孫至今世守馬 廣東通志 罕

多分四月全書 霹應縣震蛇躍出極死士大夫 聞而驚異謂純孝之 新會教諭即乞婦事父母以孝開及居喪恪守典禮生 孕廬墓三年哀痛不已萬歷問邑令李自白旌其門 李維喬始興庠生繼母病衣不解帶者百日後二 陸川今旋乞歸終養懋子際盛仕至鄜州同知 感嘉靖間憲祖為漳州府司訓懋祖為廣州教諭陞 平多所著述人師事之 賴綠字子新始與人萬歷問以歲薦任河源訓導 卷四 一親

ここず見という 戲絲詞听夕歌之秩滿乞歸終養後遷唐府長史思 陳範龍川人早丧父事母以孝聞永樂乙酉舉於鄉 **歷官麻城教諭衛州教授奉母就養承順備至自製** 李士軒字尚志博羅人成化中以鄉薦訓導萬安親 親不置王察而憫之為請追贈之恩大學士楊荣當 終開計重趼奔喪朝夕哭奠既葬廬墓側的旌其問 贈以思親詞三章 右南雄府 廣東通志

多方四月百言 官終壽府紀善 聚不入口者七日號泣不絕聲比葬負土成墳廬墓 袁賔字尚賔歸善人弘治乙夘賊掠其鄉賔奔逸俄 何宇新字子完博耀人父治養卒事母甚孝母卒 縛賔於树以劍擬之終不忍害後仕終建陽訓導 開繼母前被執乃請賊請代賊從之官軍追至賊怒 **西舉於鄉歷官宗人府經歷** 三年有翔禽馴虎梅實竹花之祥韶旌其問弘治 尽 19

ここうら **黃讓字遜癬永安人工詩善書本長樂儒生也年** 六父母連沒讓爐墓三年其兄為賊所得讓罄索三 曾氏收簪珥遺其姑抱女一慟而絕 年始有女益少待生男平芳指日曰吾不料吾躬敢 百金贖之未幾賊葉千復掘讓父母家取其骨青 卜吾後子遂杖劍請軍前争先赴敵死馬報至其妻 徐春芳和平人其祖為賊所殺誓不共戴嘉靖中 兵擊贼春芳謂友人曰吾行矣其友止之曰子娶期 **~** う 廣東通志 17

多近四月全書 曾假貸親友無所得**啓魯**乃走賊壁曰吾家所有者 請立縣以鎮壓賊衝桂芳疏上得請隆慶四年檄林 魯鼻因告之於愚無計贖父與弟晝夜號哭諸壘賊 千金讓弗能辨乃以身質賊易其親骨歸子於愚於 哀之念留質無益乃釋讓與魯讓奔訴督府吳桂芳 從問道歸又為他賊所執禁干以讓久不至絕貫於 田耳非家長標書券田不得售願代父歸賊然之讓 一賜城永安命讓督役四月而畢藩集交姓之是年 卷四

東田里主書 愚被創死知縣陳哲葬而表之又明年督府殷正茂 讓率二子将鄉兵殺賊劉漢江明年擒賊蘇允山於 父陷賊大呼先登奪讓歸啓魯力戰死讓前後勒賊 為先鋒與永安令陳立中分道招諭至南嶺城江萬 大舉討賊讓散家財募死士百人從監軍道顧養謙 百五十降者一千七百有奇計功最然為人謙退志 出奇制勝凡斬賊魁六擒即二說下賊巢四俘獲 松堅壁七日讓身入賊巢誘之官兵垂問入於魯以 廣東 通志 19

金グロガノニー 繁微告請代三月疾作其義弟復請代郡守陳祥聞 禁肯字允中歸善人年十五補諸生性孝友父被誣 自陳曰殺人者珏也鞫之不易斃於獄 魏旺長樂人兄理誤殺人官捕之珏以理無子匿之 而嘉之害師事薛侃於西湖聞良知之旨著大學解 六年的难其廬曰一門三孝父子皆有專祠 以冠帶哨官終連舉鄉飲賓卒年八十一萬歷三十 在報椎埋之仇故身陷子殲不顧每有功推與同事 卷四十七 これりいたいう **皆足額戌士人人自奮後解職歸故廬築永忠亭忌** 治巨猾忤郡守改知沅州發倉販饑振刷諸弊給詢 孝感後任髙郵知州河臨民居捐俸拯溺掩骸以擒 鳴鳳奉母之官卒撫州罄資扶觀歸既而父卒於 韓鳴鳳字伯儀博羅人萬歷初鄉薦父任邵武訓導 亦如之後廬母墓有白燕之祥萬思戊戌旌表 馬叔原河源學生性孝友父卒哀毀廬墓比報祖喪 既葬守墓哭泣有翡翠巢簷阿巨鳥集門外人目為 廣東通志 四十四

多好四月五言 受態祝以子日續貴累贈禮部右侍郎 日必持服吸粥執終身喪生辰適當母諱垂老木當 趹 羅大鬼海豐諸生其父為賊所害大魁喾切齒萬思 視衾枕父司教准安病亟鳴鸞衣不解帶目不交睫 **癸酉大征大魁請以身當賊伏兵邀擊督府義而** 其室曰敬遺堂以誌永慕 以侍紳士為詩贈之生平一言一動不敢忘父母顔 鳴鸞宇伯雖博羅人年十三從父謁選每夜數起 卷四

ここうここ しょう 救兄云 其志 殺其子名世終身不飲酒不站軍事母以孝聞人哀 中父命往援之元賔與賊戰斬首一十三級力竭被 林一喬長樂人家質多方營甘吉母疾與弟一桂禱 王元賓興寧庠生流賊赳安明寨元賓叔父時在寨 天願以身代母疾尋愈後一喬病季弟一檟亦篤友 之賊果墮計中大魁及于陣妻李氏見列女傳 務東面於 型丘

銀定匹庫全書 羅萬象與寧增廣生孝事二親問安視膳動遵古禮 宠過而悲之開府吳曰明經孝子 倦母終哭絕方甦廬墓三載寒無重衣徒既骨立山 歐治龍川人為親百里負米父母死皆廬墓三載泣 歐大聰龍川人母遘疾朝夕虔禱親治湯藥數月不 親疾衣不解帶奉刀主惟謹親没蔬食齊衰三年或 血 以小祥大祥寬譬之象曰吾弗忍也 發風有虎 馴蛇伏之應 发)四) 十九七十

李天楹與寧人事母至孝母患疾症僵即十餘年天 駱兆運龍川人父病嘗父血溺以察症候知縣孫徵 楹年将七十常服役不怠凡事必躬親不假妻媳母 庠督學楊某以孝無問言旌之 無人心馬用青其於及執母喪形毀骨立服関補邑 母病心痛即買舟歸親以機不可失為言一依曰如 うう! へこう 死疏食廬墓三年邑舉鄉飲賓 依與寧人年十 W 廣水通志 八郡縣試冠軍将應督學試聞 學六

致定匹库全書 金異其孝行年至八十餘 定祖微行山中至程鄉大吹奉見馬抱而哭僚人 暮悲動籲天誓与不得吾母奚用生為 明興山海底 林祖字述古潮陽人少孤貧從學張與元季望家避 亂行過僚賊母莊氏與弟進皆掠去祖追之不及旦 不與潜訴於官遣吏情往贖之中問十四年矣洪武 三年舉明經以母老乞終養十三年復舉孝庶赴京賜 右患州府 川

足可自公時 府通判 **蔭終不易志天順間海寇行到過其門大書曰此林** 蛙子十羣聚楹三日妻亡不再耦與潮士林厚善俱 客死貸錢歸葬奉母甚謹母及廬于墓有白鳥來巢 衣九襲鈔五百貫授四川巴縣及以亷能聞陸河間 禄仕余禄不及親矣奚仕為厚舉進士累官祭政布 林布陰揭陽人自幼能屬文博通經學尤精春秋父 以孝明永樂問同舉孝康希蔭謂厚曰君幸親在宜 35 廣東通志 四十七

金欠四五百言 守益賢之者二十四孝七言歌令童兒誦習季子嚴 賊識之避去族兄與鄉人訟郡守不能决以問希陰 先生廬也慎勿犯當一日出遇賊希蔭衣冠坐舟中 戮力殲賊洪武十四年縣吏陳伏勾引三饒賊首隆 葉文保程鄉人好義知書痛父死於賊誓必滅之常 涕泣言曰誠不能化族黨非善也證父攘羊非直也 海攻城城陷文保馳告府衛平之二十年復領民兵 性剛介行義著於鄉不替父風 巷 125 Ŧ Ł

にこりらいたう 一 居多 雖不讀書可也家甚貧力田以養母朝暮必具衣冠 周孝揭陽人少孤問名於母曰孝喜曰吾求為孝子 周則義揭陽人早喪父力耕養母旦夕無惰容遇江 稱為孝子栗 曰天如不雨孝将自焚言木既大雨如注民賴有年 拜母以為常歲早屢禱不應或謂當請孝子禱之 討安遠賊有功被掠者悉辨出之其保障邑里功動 旗東通志 早八

多分四月百十 孝子既葬廬墓三年 喷言逃去之母卒無葬地或捐田一區與之曰以優 鮮野軟必力致之務貼母温飽已身不免饑寒妻有 鄭璣字文泉潮陽人幼失母已復喪父獨與繼母及 夜稿天私之以舌數月母目復明 豹孟統揭陽人事母孝定省不廢母患失明孟統夙 欲析產職報以良田住器與之母為感泣復同居 二弟居二弟者繼母出也母篤爱之璣務順其意 19

た己の日白い 黃淡字元浩湖陽人少時 父以解運客死于處不能 李大綱字弘舉海陽人清修告學早喪母事父以孝 歸比長母告以故報痛絕歲時薦奠西向哀號領景 泰丙子鄉為母亦尋及乃走度州歸其父骨合葬馬 國子學正卒于官幾無以為險其清苦乃天性云 故機舉正統丁夘鄉為署教靈川轉寧波教授入為 哀之其時劉軒亦以割股療母病里稱其孝 服関授沅州學正改萬州貶漳州訓導卒于漳士人 廣水通志 学儿

鹿鳴士論重之生平樂易喜周人之急當一日道逢 **聞父後水浆不入口者五日廬墓三年著家禮易覧** 林濟民海陽人弱冠時母病篤强命之娶婦至門而 餓者垂斃扶至家食之不問其姓名他日來謝笑曰 始合色鄉邦稱之領成化丙午鄉薦授龍嚴教諭 母卒足不入悼守苦次哀毀喻禮及葬廬于墓服闋 書以化鄉人成化丙子既領薦以榮不逮親不燕 飯何謝為 巷四 こううこへいたう 李方饒平人少孙事母至孝定省無間家貧業漁以 美者供母餘乃鬻之口不二價成化甲辰颶風怒濤 方所居蕩析負母出無所避子母皆死收其屍尚負 身範士陸賴榆縣有產患聲卒年六十四祀鄉賢 持不解邑令張濟為之治險且旌其事 棺泊岸旁人以為至孝感神嘉靖六年有司嚴實疏 颶風作海水震蕩賓抱父棺號泣隨風飄遊俄反風 王賓揭陽人推魯少文家貧以孝養親父及未葬值 廣東通志 乒

欽定匹库全書 康名成饑捐俸 販民多所全活旋乞休歸設教家塾 徐嘉祉平遠人由歲貢授龍南令九歲執母喪哀毀 業悉推善者與弟尋蕩廢又捐已產與之令龍南有 避山中道過城抱母跪泣願兒死留母賊異之問其 团 姓名曰素闻君子遂釋之待異母弟友爱尤為分產 如成人繼母性嚴善事之賊黃鋪寇其鄉嘉祉負母 冼 +

黃良豐海陽治家子性至孝每入見父母色不怡報 奉籍跪請執父喪三年飲水素食既葬結廬墓左夜 旌之 母後居母喪有倭冠抱棺哭曰母無恐良豐夙夜在 則就廬日則獨冶養母縉紳家或遺之食縣歸以遺 從湛岩水於天闕其事父母就養無方出入必告待 此倭感之不為害逮葬復廬墓如初郡縣以聞督學 周孚先字克道潮陽人居近薛侃之門為志聖賢又

久定写年全書 一

人口 一二点

至二

金りピル 憾因令其少子乘城擊賊以報兄等問者壯之 有桃谿吟葉以子光鶴贈四川祭政 弟友爱教子以義若水鱼稱其孝居桃谿山中所著 賊退身被重創循躍城下追賊中砲而死淑禮之父 守禦倭以雲梯十道攀堞而上二人舊擊斬數十 莊淑禮胡世和潮陽人嘉靖中倭寇攻城二人應募 陳添桂海陽諸生莊涖之家僮也涖之家故饒隆慶 撫而哭之曰兒死城完是死而有益於潮陽也復何

とこううへい 問戚林乾道破東溝寨大索在生在闔門嚴複壁中 添桂被獲話主人所在曰入郡矣賊怒斷其兩臂終 梁東之字宗海德慶人舉弘治辛 門鄉武仕仙居令 **物葬以子姓禮歲時祭之** 祖母温病痢中裙厠牏身自浣滌兩月不懈初放榜 不肯言乃斷其首去溢之從複壁中備聞其語哭之 下第者哭水之亦欲戲人問之曰幸得録於主司而 右潮州府 廣東通志

多分四月在世 鄧墙字伯藩德慶人以歲貢為高安丞温良慈愛士 親不建是以悲耳友於諸弟里人稱之卒年八十有 率徭人貢因事之遊遂不返立七齡自知讀書既壯 還未當路也卒年九十有五 民悦服當主上供有美金數百歸之官當道賢之醉 陳立德慶人曾祖文仲為元萬戶父宗錫為撫徭舍 遺金五十於其門次日倚門而望其人至即舉以

た己日東全島 | 曹昌守德隆其先壽州人祖承宗德慶千户父斌好 稿因獲頒所立齧指滴血而骸果滲仰天大動絕而 告其母曰父去久音問不通若不訪求天地間 長問其母曰吾父安在母告之故昌大城既娶婦 遊往來汴洛許汝問久而不歸父去時昌甫三歲及 復甦乃負骨以婦禮部侍郎陳璉作孝子傅以傅 開平中屯衛遇一父老攜至家出其父所作樂静遺 也聚糧走燕趙書姓名情状於衣背日詢訪之至 馬東通去

多分にんと言 南之遂平得館人告之曰而父有妻子攜以歸久矣 昌旁求不得因於塗每夕稽首北辰願減算以見父 行至裕州遇父友倫濟始知父已死矣訪獲殯所朝 子以家事付其弟遂辭母去誓不見父不還乃趨河 植以進開建人目不知書先是父母因貧徒石實 命長史潮陽鄭義傅其事已負骸歸葬哀毀瑜節 稱為曹孝子 夕號泣水漿不入口裕人憐之聞于周藩賜孝子詩

ここすられたい 學者稱為一味孝子宣德中郡守王瑩以状請乃姓 定省跪食颠沛不變時高明嚴貫事母至孝常服勤 必跪獻母命之起乃起隆慶間山宛充斥以進負母 中耕樵父早喪事母梁極孝樵採所得悉以奉母食 左右病則叩天請代喪葬盡禮制府並旌之 見為恨遂絕意功名每食必慟終身衣寫食不兼味 何真字萬山髙明人三歲失怙恃喜讀書以父母不 深解鑿土室蔵之數日一易其處恐賊蹤跡之也 7 廣東通志 盂

銀兵四月 全書 素以不入内感靈芝之瑞邑人彭津為之記學使者 簡直新興人邑諸生居母喪三年不離苦次食必齊 其門 得贖金賊許之旬日同知吕天恩捕賊至楊梅都 譚舜典字帝則萬明人為邑諸生嘉靖及亥新與恩 平城掠丙洲舜典父獲馬走入城管云願代父歸 戰敗舜典得脫歸時被掠死者無數獨舜典父子俱 王凰旌之 10° 发, 四十 Ł 賊

九色四年全替 一 嘉靖壬戌督學張希舉在之 述教養彌寫後俱任學有聞子六人咸補博士弟子 歐陽念島明太學生崇禎五年流寇薄城身率鄉勇 存人謂孝感 梁班字國器茂名人善事繼母及異母弟幼失母無 吳中綸茂名人孝事父母及親沒撫二幼弟中時中 與賊對壘生擒賊首蕭阿四邑人賴之 右肇慶府 廣東通志 五五

金矢甲五乙二 省墓遂不復仕清介自守鄉評甚重之 教若子以已業之半讓之由貢歷德府長史乞假歸 為萬第弟子由貢選上猶訓導奔母喪以毀卒 得原餼悉供甘膬伯仲有難身校之太史程文德稱 馮宸字元極茂名人年稍長知承父母惟為學生所 吳世紹吳川人事母孝母病瞽行哭求醫時以古私 溺馬人共悲之其後子廷彦領萬歷鄉薦 目目尋復明一日採新江南聞母暴病垂後而渡竟 To the same of the 长四

ころうらとき 李彭年電白諸生父一鰲遇倭傷重扶匿山中彭年 吳稟純吳川人孝謹端厚時大疫其祖父母及父母 開人內可治乃割臂內調羹以進父及哀毀成疾死 身值歲錢項升斗必分伯仲後以明經仕感思教諭 均以林褥骨肉多畏避去禀純夫婦獨留當藥完衣 其妻黃氏亦死其妙適吳者亦以死節著見列女傅 既而病者相繼沒數喪並舉隻身任之疫竟不及其 右髙州府 廣東通志

多分四月 百量 導兄龍進士報生而類異天順五千母謝為流賊所 掠時熊年十六挺身人賊壘給之曰吾欲丐吾母豈 鄭哉石康人父賜正統初以春秋魁嶺南仕茗梧 惜金第吾年幼不知母厳金處母歸必來贖吾賊以 岳間其事請於御史陳大用就報所居梁村建祠 為然拘敲而釋其母然其必實無從得金也報既脱 母言笑自若官軍至賊遂害之嘉靖十六年知府張 之復建烈孝坊于永安所旌馬張岳為之記 訓 祀

天皇四車全書 一 諭板與迎養得俸以具甘嚴立教以人倫為本取文 復明人謂其孝感母年八十餘終敦年六十執喪盡 施敦合浦人性純謹自束髮至白首木當與人争事 新爵欽州人嘉靖元年歲貢任太和訓導權永春教 孫應助合浦人性報悟有文學事父至孝每先意順 哀廬墓側三年 母至孝母得目疾竭誠祈禱常以舌舐翳久之母目 公家禮與諸生請習陞福寧學正卒 次中通志 五十七

李國華靈山人嘉靖辛酉與父元和販穀歸經博領 望 志怡顏不懈以貢歷官府教授絕口不言修對教士 所傷而死 山賊殺其父國華痛憤矢志復讐持刀赴關為狼賊 以敦行為先歸家友愛其弟遺產相讓鄉問推其德 時雅海康人少失怙事母至孝友爱其弟無聞言 右麻州水 起にココ ころうらんこう 為能友於兄生平與物無競鄉人有構争者軟相謂 雅具陳當路蘭竟奉古革去弟時亨領廣西辛卯鄉 鎮守珠池奪民問產業應魁父亨有富名被建笞榜 陳應魁海康人為郡諸生自幼以孝友著太監趙繭 進多出其門時珠池太監趙蘭恣行剽取民苦之時 貧苦力學領嘉靖乙酉鄉薦操履儀度有先輩風後 曰何不學時亨兄弟並祀鄉賢 不堪應魁痛父将危往代其父蘭竟加以炮烙之刑 廣東遊志

銀片四月在重 吳雯海原人恬靜博學不從仰于時事寡母劉怡色 遂死士大夫為詩挽之 朴庵集 範宗譜士大夫皆稱其質行云 武特獎與之令補都库生不願就時論稱馬所著有 張能海原人弱冠教于鄉事寡母至孝督學趙某按 和顏為其堂曰爱日當路欲辟雯以養母不就著家 顧汝鐸雷州衛人補諸生武必前列與兄汝鑑相砥 THE RESERVE OF THE PARTY OF THE 太四 十七

大色四重 白馬 獎由選貢入太學歸而購書學古未竟其志而卒 多方療之清夜籲天願減巴算以寒父卒不愈大該 吳大謨海康人父鍾由成薦入成均歸得目疾大謨 與妻李氏先意承志父常撫其孫啓聰曰而父母事 礪竭力襄三世之喪更以及親族之未葬者督學要 俱以文行著聲 父母則莫大之孝也鄉人翕然稱之子於聰孫良仞 我至矣吾瞽無以貽汝願汝以父母之事我者事而 原水通志 九

金牙口石石 陳文彬徐剛人天性孝友登嘉靖甲子廣西鄉榜知 隨州歸俸索悉均之親族時錦囊兵變賴彬調之得 義田縣宗族之貧者時萬其義祀鄉贤 清簡轉祭府長史歸以先世遗產推子兄弟復增置 駱效忠徐 聞人舉萬歷戊子鄉薦任鬱林知州為政 陳治明海康人博覽子史長於詩當拾遺金候其主 解 還之問姓名不告而去時有誘縣令者令索之治明 THE PROPERTY OF THE PROPERTY O 卷四 人之可与公野 一 學行義奇之討其久不仕為物為非日今之學職不 惜質田以贈之郡丞潘其於廷武時識面會共論大 成為繼母官氏煩酷非善事之性恭義好施弟姪嗣 秀者教之築館江濱就學者日益進赴武之資者不 過守首指盤獨縣官原食何曾講經問難我居家塾 益他袋崇御史察善士邑人舉治明以應屢飲於鄉 林非海原人少喜讀書手抄至百餘卷年三十八府 曰止謗莫如自修必求其人則鑿令然之勝其門曰 廣東 通志 六十

多分四人人有言 莪 咸日林師宅墓云 教海子弟不較愈哉竟終老于家人指其居葬之所 經選以母老不住性好施族子自强以父貧鬻身遠 吳守經徐聞人少孤事母辛氏至孝攻苦自立應明 產給馬族女質過期不字守經具產造之鄉里稱其 **賈賈将挾以還守經闻其事急償其直而歸之仍割 吳兆亨海康人三歲喪父母陳氏矢志鞠之補郡庠**

周英其先巴縣人為留守後衛中所百户正統九年 者勉其成業當較註方與儒林一覧行世 生母病為非亨於香告天願以身代母病遂愈人以 永樂丁卯鄉薦任武宣教諭勤於課士擇弟子之賢 林茂森字良才臨髙人少狐博學甘賀事母至孝領 為孝感所致督學羅萬程表茂英皆異其孝行 英調昌化所有姊老病癱且無夫家遂與同來凡越 右雷州府 THE RESIDENCE OF THE PROPERTY OF THE PROPERTY

た己の事を持

府東通去

主

病疽及剧自知不起嘆曰死生命也所恨母老不得 脫宜吃出致一一吃之母果愈致因毒人腹未幾亦 莫能近孜朝夕运侍撫摩除滌未當離側或問疽有 投水其亦投水救幾湖死舟人急極得兩活竟員至 林孜字志善文昌人景泰庚午鄉為母雲氏病疽穢 任奉養如母 山登舟時英親負之姊心不安一日舟浮大江姊潜 終養而反胎母愛爾顧謂諸弟曰善事老母吾死無

金分正左右三

Lesson Status 李宣字德輝澄邁人為兒時間其父云祖子惠補遼 籍遂迎其祖歸鄉人嗟嘆 悲號不已景泰及酉年二十四中鄉武上京哀請當 海衛軍伍南北萬餘里父子不相見者二十年宣遂 際瑄瓊山人三歲喪久鞠於母氏與兄琇二人孝友 道得往途海時其祖年已八十矣相見慟哭見者無 以為念獨妻子亦如之言不及私遂卒聞者悲鳥 不監決御史戴結構之得循例就近補伍除途海戎 廣東通志 空

銀分四月五十二 甚為天順四年城據瓊城殺不附己者以威泉城中 急去無幾幸脱一人養母瑄去坊與母為賊所獲欲 脅以行不從賊大怒置母其前以刀按母頸調,時回 将以從城将刑瑄冒死前進叩首流血被面請曰兄 為城中及大軍至時自城中走出為軍所獲執送主 不俱全時問瑄曰事急矣並死無益我以死扶母汝 我先殺汝母次及汝珍叩頭曰乞貰母願得相從遂 人多葉老幼亡命瑄時獨共扶老母問走城既過諒 各四十七

次定四車全書 人 能為有無願殺瑄存兄養母情解哀迫主将倉卒斬 雲是文昌人元行省祭知政事從龍七世孫少多病 人矣遠近聞者莫不灑淚嘆惜 之既而悔曰凡為人兄弟皆當知有此義吾枉殺好 如初喪無何復喪父連年哀毀竟廢飲食以死 五年喪母那氏哀毀憂思飲食頓減漸以骨立三年 父母憐之不令學然有美質所行常過於厚成化十 以母故誤陷於贼令母老家貧恃兄為命瑄孱弱不 原東通志 华三

需好兄主之一錢寸帛不入私室兄及奉嫂益恭鞠 鄭籍字孝夫瓊山人成化於卯舉人任洛容知縣與 其女擇士人歸之鄉人名其居曰荆茂 般避浪危在條忽嘆曰吾友老母在堂吾與萬里同 歸舟次廣州沒羅廟前遇暴風舟時覆正推蓬出抱 兄穟早失怙恃狐苦相依及長不忍分爨儿出入之 行今月見其死可獨生耶項電學見傍有般遂攀縁 王正海南衛指揮成化乙已春借指揮徐鼎自京師 ここの 見いなう 唐繼祖瓊山人舟之孫任長沙衛經歷家素貧與長 登岸求斧劈船問數艙始出鼎因而活者四十餘人 病療犯采肉而卒遂終身不食豕見即悲泣母李氏 兄承祖弟紹祖顯祖四人相爱成化問紹祖充解官 餘屍亦為借置 料虧價建追繼祖賣其妻從嫁因數百金為價之妻 曾士元字仲仁萬州人罪之曾孫也為於孝友父魯 馬氏亦無難色鄉里以為賢 旗東通志 た四

到片四月百言 受之以母老歸養百姓熟留不獲為之立祠歷任俸 疾躬侍湯樂不遑復處執喪哭踊絕復甦杖而後起 餘施予宗黨犯鄉賢 半修儋州貢生孝友慈惠歷知新城雩都兩縣民咸 過祖瑩雖夜必拜服及總麻悉遵古制撫兄子若已 鄉薦知海門歷官户部員外郎悉稱職 子復割田以益之以嚴薦為福清訓導 汪有執字義甫瓊山人事繼母孝鄉問並稱領正德 卷四十七

次定四軍全書 八 吳效字復初瓊山人少遊邑庠當食館遭內艱不忍 張騰騰崖州庠生海冠掳其父騰騰率鄉勇奪之手 生弟二人獨私爱之成自少至冠友爱惟均陳氏為 蕭成字子紹崖州人少喪母有弟尚幼繼母陳氏復 就其少子死於車縣車子惶懼請罪曰汝何心誤傷 殺數城被傷而死州以殉孝旌之 耳里中多好訟廢學乃構精舍行朱日鄉約演四禮 以勸說之祀鄉賢子會期另有傳 冬日十七 李五

悉與次弟又出俸貨構舍與繼母二弟居馬次弟應 試獨於海撫恤遺孤經理婚嫁無異已子隣人死不 感化領嘉靖鄉為任野寧教諭丁艱婦以父遺田産 能險亦為具棺葬之李茂作亂人多葉城走成晝夜 贖還具母丁外艱辛於家 途遇李氏女鬻於陳號啼欲赴水麟慨然捐五十金 同州官巡城鄉里壯之 王天麟字文瑞瓊山人隆慶庚午舉人知前縣入朝

次定四車全書 ! 機姓之 宠官軍懼轉之以百金卒不受事 開督學巡按 旨移 盤多方丐貨以贖值得免繼至者責如前無以應願 負父蔵山中求救於官軍竟無應者父死載痛恨鳴 偕父逃賊及之傷其父可載奮力持刀殺一賊乃退 張可載瓊山人郡庠生員隆慶五年倭犯海口可載 以死生母贼怒俱殺之 王盤瓊山人郡庠生員性篤孝隆慶六年賊楊其母 廣東通志 文

与磨子明陰求醫治時讀書館舍每父饋發發存其 陳可英借彭某銀七十兩貧之不能償彭訟之官英 妾所出亦化之相友爱云 底豫爱母如初母病篤為當進甘苦其後兩任廣文 半以鉤母遇親朋酒食椒不忍御心懷歸遺母其父 吳涵瓊山人郡庠生員行已端方取予不均有同府 以二親不逮居常感泣俸貴盡以均其兄弟李弟雖 王子聘澄邁人家貧力學父以爱妾故疎其母母病 岩 115

たこの事とき 甚著昼萬思甲午賢書戊戌上公車向母泣曰科以 窘将自經涵知之盡數代價有友陳問遠適密寄銀 雜膝下乎是歲副會榜思任善化縣著質於赴關陳 潘之楫號寒瀛瓊山人生甫平母陳孀居無之楫長 母苦節未揚親恩未報故為此萬里之行不則安忍 出就傳母每留餘食啖之之楫見突無烟知母未食 百兩舉家不知後問暴卒涵持銀選函封未於 忍食半以奉母母燈下紡織之楫就餘光而讀才名 廣東面志 · **

多分四屋 百十二 情賜建坊以表母節 陳宗呈瓊山人諸伯仲賈而遊者率倚辨資谷宗人 曾建軍字伯射儋州人,州府遊,半肆力於學敬事, 魚網得看貨悉令輸之官人服其識 無凍餓者或以不能葬不能娶告即周給之當代從 親與諸弟終身同覺後與弟時膺歲舊持家清介 子價通初不今知盖高而好行其德者家有海粮取 喜殖生唯以訓子為務子開弱冠魁省人謂少附其 苁 14

こうこうこう 養應之生平脏族信友輕質好義年七十有五样里 馬嘉過號載係瓊山人博聞稽古以三禮領天路甲 志云 旁獻策畫圖統義兵力戰有功及事平開道撫民之 陳應隆羅定人由屯種把總授禮部冠帶儒士征羅 尊為文獻 子鄉為天性至孝篤志承報當途交章推為不必追 右瓊州府 7 债東通志

銀定匹庫全書 李郁宇文斌連州人永樂中鄉薦為福清訓導知祥 功居最萬歷二十四年歲荒出穀三百石人官眼濟 李若絲西寧人早孤奉母至孝及母喪號泣三年值 符縣又推開封同知及歸以俸餘置田均之兄弟其 母忌日心哀慟不食助工築城為邑里倡人持義之 兩院在日尚義之家 後二百餘年子孫著行后郁之遺澤也 右羅定州

告願以身代城憐之且戒他城不得傷孝子卒你無 陳全學字兼甫連州人父奇才以明經任儋州教諭 朝夕侍崇禎戊寅流賊犯州全學謹侍母側賊至跪 全學補郡庠為人純孝母曾年七十老病臥床全學 悉郡守王立上其事兩院在之 王佐字彦舉家世河東人元末占籍於南海時孫黃 右連州

えこり目 とこう

城東通志

なれ

多方四月百言 意沉著孫不如王何真禮聘二人皆使掌書記軍旅 與佐結詩社于南國開抗風軒以延一時名士佐才 往說之遂通好質尤好文衣冠之士多往依之其最 事多見咨詢時李質以德慶豪即據有聲慶佐與資 思雄渾體裁甚工資深重之構解致捷王不如孫用 歸言於真使招致之由此真號稱得士洪武六年 部使者為拜給事中論思補闕恒稱帝意學士宋濂 知名者則有江右伯顏子中茶陵劉三吾建安張智 お 呵 甪

1

大七日年八十 鈔一錠佐性不樂樞要居官二載即乞骸骨帝憐其 當拜賜黃馬帝為歌命諸詞臣和之佐斯須而就有 誠許之性解日賜鈔五十千時臣僚自陳者多被譴 所為詩清逸評者比之高適本參 為料理喪事殯諸南雄之九里山終身事元正如父 **作佐以恭慎得歸佐天性孝弟父没時有廖元正者** 孫黃字仲行南海人為 性警敏於書無不窺為文 臣騎黃馬當赤心之句帝覽而喜以為名世之作賜 廣東通志

金罗巴西西哥 南海黃往從之廖永忠南征黃為真作書歸附曲盡 勞來民還其業甫一載入為翰林典籍學士宋源樂 誠敖永忠遂辟資典郡教洪武三年庚戌韶天下設 援筆立就雄深雅健有魏晉風元季東莞何真保有 監祀西川既三載力求外補為平原簿無何建繫輸 船鳳承青詹同甚重之奏對便給客觀飄灑源華自 科取士資舉于鄉授工部織染使調虹縣主簿安集 以為莫及也八年同修洪武正韻九年以奉常之節

ころいうら 左校築牆堂都門謳吟為粵聲督者以開召至陳 李德字仲修番禺人夙負逸才博極羣書洪武初以 素重黃迎居家塾未幾坐黨禍 **皆忠爱語釋之十一年罷歸田里十五年召拜蘇** 黃哲字庸之番禺人世為著姓弱冠而孤刻苦讀書 府經歷二十二年謫戍遼東都即梅思祖節鎮三韓 歸老於家有易養集 明尚書薦至京歷仕郡邑十餘年年且暮改就教職 1.12.1 廣東通志

多好四月在書 息其中往來羅浮峽山南華諸名勝以為未足乃辭 李善長祭政張昶汪廣洋交薦之拜翰林待制入禁 交當風雪時泊舟秦准遇朱文昭冷韻輩握手吟咏 家度庾嶺過吳楚遊燕齊問一時湖海英豪特與納 通五經文選詩造晉唐與域性好山水結廬浦澗棲 沽酒大赈二人惜曰君才如白雪吾雖知音如寡和 何自是名籍甚值明太祖駐師金陵招來名儒丞相 問侍太子讀書太子爱重之鈔幣之賜無虚目成早

となる ころ 人こから 麥苗盡凋乃蘇戒徒既烈日中甘湖應祈民惟呼曰 **泣攀留是歲黃河洪梁山中書省發民疏沒哲董東** 數千人户口日滋四年遷東平府通判東阿士民涕 諭諸及側尋出知東阿縣剖決如流案贖無滞值旱 經毛貴別後民多流徒他鄉聞哲善政復業者亡愿 此黄公雨也浪溪有怪物作崇竊人陷之哲為文禱 御製喜雨詩命哲廣之甚見褒重洪武初奉使青徐 于神須史風雷大作一青蛟斃水上人稱其誠感時 廣東通志

多分四月五十 建議止之尋上疏陳時務數十事帝怒其任會山東 雪蓬學者遂稱為雪蓬先生 事註誤竟真於法哲始北上時倚篷聽雪常自說曰 平之後經畫有方民不告勞有司欲復堰黃陵岡哲 經授徒四方至者多名士八年復徵還判東平後以 分省奏哲捐俸修先聖祠築積水湖隄有成績乃釋 不問哲亦名歸得允既南還有司請哲領郡校事橫 天下奇音妙韻出自然者莫是過也歸構一軒名聽 尽 凹

にこず見らい 毫赋詩人真測其涯沒父景元與母連喪介孤貧 閉 去後停南康被累乃數曰趙伯正真萬士也介行常 臨別介泣謂曰充天雖長劉日實短子獨何心雜竟 趙介字伯正番禺人博通六籍氣字豪邁興至即 樂善單相倡和日往還西樵泉石問有司屢薦不起 户讀書無復仕進意植二松于所居扁其軒曰臨清 以囊自隨遇景即投詩其中絕不為人留題獨與劉 以淵明自假南海文士李難以薦起介力止之不可 质水道む +

到另四人看看 古人元李避地白豪寒暑不倦雖在離亂中持志益 **黃動字敬功東莞人博學為文雄放出入經史追蹤** 有父風後純貴贈介為監察御史有臨清集行于世 洪武已已以累退赴京卒于南昌介顏如渥丹丰度 類神仙中人子潔絢繹純片善詩文工隷篆絢隱 司强之入武中選竟隱居不出子結最知名另有傳 堅洪武初以薦授邑訓導善教著闻後改梧州致仕 卒于家子益受世其文學雅志不喜仕永樂质子有 寒四十七

こうこうこう 史當按八聞以清直稱才思敏縣所為詩揮毫立就 鄭毅字德弘南海人洪武庚戌舉于鄉釋褐監察御 典史歸年六十卒所著有梅軒集 丙子鄉貢進士教授紹興以性介件當道左遷什加 歐觀生香山人倜儻不羈博學工文詩尤豪邁洪武 馬名廣番禺人少通經能賦詩以家累成遼左在戊 所未皆廢書與新會黎正倡和詞多悲壯人傳誦之 時言能詩者必曰鄭御史 府東通志 上十八

欽定四年全書 素皆學工古文解當問學詩於陶章李杜學文於史 擇行之尋投泰和丞 商子弟不宜與士列非聖人有教無類之意命禮部 洪武及酉請關陳五事帝察其言多可採用但謂 士奇祭酒李時勉見其詩文以為嶺南人文在是留 漢韓柳學書於晉唐諸名家云考績至京大學士楊 **都林字士齊新會人洪武 两子鄉薦授貴縣教諭林** 史館修書尋出教南昌被薦遷吏部主事宣德四年

欠已习与心时 梁臨字仲敬新會人羅蒙正弟子英華秀發工詩文 慨自命尤為友誼所著有退養集傳于世 曾擬秋風三豐清姚沉蔚見者服之**登洪武辛亥**進 遍無民之句一時愈然稱之官至禮部主事 士賜蔗中書堂賦詩有鼓腹愧蒙天澤溥願推餘滴 而長於舉業家正稱之洪武庚戌為於鄉辛亥登進 以事謫杭州名士多從之久之放歸田里卒生平慷 何子海字百川番禺人宋進士起龍之後博學能詩 廣東通志

金がらんろう **造衆字文中東莞人先世家前田從父景和來戍南** 海性莊重刻志學問通百家子史工詩文善書翰我 士思睢寧永康丞 董匡字宗輔指揭人性介特逐於易尤善草書緑家 衛禮為社學師文武子弟從将者以百數有敬養集 東文衡秩滿超為貴州道監察御史獻獄平恕屢授 年赴春官兄弟同登乙榜匡投萬載教授癸卯典山 與弟匪俱負才名稱番禺二董永樂丁酉領鄉薦明 尽 Ľ٤

大江日年在雪 薦於鄉卒業胄監為祭酒邱濟所稱授金華府同知 當塗有作多出退手以引為舊碑為狭中者所憾能 黎退字景升順德人類博工文解精档法成化乙酉 解首丁未進士第三人及第授編修肆力於學醖籍 涂瑞字邦祥番禺人少 賴悟蔚有文名成化丁酉領 歸構羅江書院吟啸其中頌賦誄銘踵門祈者無虚 金粉訓事有二重集傳世 日文筆逐冠一時垂老自志其墓所著有草庭集 廣東通志 七六

金月中五百十二 數千言長益湛思百氏以嘉靖庚戌進士授刑部主 家言時東完劉存業亦以第二人及第並有文名 當柄國其子世籍欲親有譽有譽取為褻仰遂謝病 事是時諸郎李攀龍徐中行王世貞宗臣舍人吳國 梁有譽字公買順徳人父世縣御史有譽秀顏日誦 **及丑引例歸省旋卒於家瑞所為文汪洋浩滴成** 偷山人謝棒結社為聲詩有譽在社中稱七才子嚴 日遂同館皆推重之庚戌以修憲宗實録成遷修撰 卷四十七

KALDING VICKIO 羅處臣字熙載順德人幼顏悟一覽不忘九歲能屬 瀚華以文章氣節相高而虞臣尤剛楊疾惡面斥人 虞臣居官文日益進而治日益有聲各推官皆自遜 難治虞臣素習爰書嫺於史事又以文章潤飾之故 文弱冠舉嘉靖已丑進士補建昌推官建昌號繁劇 歸卒年三十六著有比部集弟有正綿州守亦能詩 短以故多忌之者朋先曰熙載且見中於法矣會究 以為不及三載徵拜刑部主事改吏部與李朋先任 廣東通志 ととと

金易四人百量 磁稱之 **微處臣從獄中上書詞甚激昻通政鄭紳覧書棄去** 黎氏表字惟敬從化人貫之子自少詢異九歲習舉 不奏做成下御史府王廷相憐之當處臣縱重囚黨 **未用卒年三十五所著有原子八卷行於世葉春及** 括百家欲以文章自立兩廣都御史蔡經方薦於朝 元惡杖五十褫職為民虞臣既歸就中山結草堂總 人到東山上變告張延齡姦連處臣於是逮請的 19

た己可見とふう 雲師事香山黃佐佐雅重之居清泉山中日與弟民 萬歷已卯春乞致仕歸賦性坦平無城府雅好讀古 然有隱難浮之志以母促之仕始就銓初授翰林孔 來民懷友人吳旦梁有譽歐大任唱和其間明自孫 書過目取成誦上自境典下迄百家稚史因不涉獵 及世宗務宗實録進河南布政使祭議仍掌制敕事 子葉十三補色库生二十領鄉薦屢上春官不第慨 目歷司務主事郎中內閣掌制敕侍經庭預修王牒 · 為東面志 トナハ

到另四月 百書 能圖繪當修茸廣東從化羅浮諸志所著有瑶石山 **資王哲諸人以來詩學大振海內名流如文徵明** 居恒澹游自甘家苦貧素惟富於文墨工四體書亦 世貞兄弟字攀龍徐中行宗臣吳國倫皆互相應和 柱臣相友善俱以詩名以明經授江都訓導惠虞衛 歐大任字正伯順德人博涉史籍與黎民表梁牧梁 稿 中當大任北遊時歷下鄉那諸大夫主盟擅站大 焾 四トセ

火足可和全書 图 嘉與令雅車駕主事以明敬稱忤上官罷去年前三 李時行字與二番禺人負才名登嘉靖辛丑進士由 任周旋縣敦間海內無不知有大任者後以老乞休 卒年八十有虞部集行世 領鄉薦而建為春秋魁完心因革治亂之迹及道街 陳建字廷肇東莞人知府恩李子也與兄越超赴皆 十一歸築小雲林吟詠其中所著有駕部集雲集子 天求子諸書 為東通志 七九

金りに 作朱陸編年考督學江以達命校十三經註疏成代 樂府因者提古樂府通考與督學潘瑞論朱陸同異 書程子遺書學部通辨大有造于來學江右廣右雲 作上十三經註疏奏稿邊臨江府學教授鍋周子全 日勤陶鑄分俸周士之貧者與巡按白資論李西 那正之機兩上春官皆乙榜以母老選授侯官教諭 冢宰時論多之尋陸山東信陽令與利除害民稱頌 南湖廣四聘棘開所得多名士而滇土嚴清後為名 人と言 ここすりによう 喪南歸哀毀喻節起復抵維楊卒於道年僅三十十 克正質敵才茂肆力詞賦為丁士美諸大綬輩所雅 辛未會試主司奇其文擬題天下後置第六時論情 至今為海內所宗學者稱清瀾先生 **饋遺一無所受修兩朝實録成賜白金文綺會弃父** 劉克正字機一從化人生而新悟隆慶丁卯舉於鄉 馬未幾以母老婦養益銳意於著述泉輯明朝通紀 之既第進士改庶吉士尋授檢討奉命冊封請江王 1 廣東通志 子

多分四人ろ言 該湖之白鹿乞食於西昌因而歸舉萬歷两子鄉薦 與計情名傾都下既屢蹶春官而好遊益甚所至詩 重當作越蒙白雞城璀璨華麗世競傳之 墨林海最善葉春及當於羅浮構運葉卷以待之久 年二十三始折節讀書補邑諸生縱遊朱明入闢自 祁行曾字羡仲東莞人順之曾孫性 通脱豪軼不羁 尹守衛字用平東完人年十六補諸生督府行縣象 之以母喪痛哭發病卒所著有緑水園集

皆跪迎守衛獨長掛令旗讓之守衛曰此祖制也君 趙府審理正歸而杜門著書採洪武以來政治人物 署清溪教諭分校楚開擢知新昌縣不善逢迎左遷 子豈娟人以非禮之恭哉令其之萬思五千舉於鄉 勒成一百五卷名曰史竊論者以為陳建之後一人 林承芳字文峰三水人鍾之孫也幼嗣悟墳典無不 子鄉薦次兆昌能在父考裏季王如刻書以傳 而已詩文有嫡養集年八十三卒長子魁昌崇禎丙

とうこり 日上日 日本

原東通志

銀月日左右手 究竟工詩文精翰墨中萬思丙戌會榜廷武奏策鄉 争名者所忌左遷江西祭議婦怡情山水遇景軟吟 總萬言皆經濟實學已定第一人以字小部置二甲 第一投編修受知神宗命書中極殿額甚嘉賞之為 重寶承芳黎民表之甥人謂酷似云 詠所著有文峰集竹窗存稿人有得其翰墨者如獲 陳襄字尚行東莞人龍之緣九歲能文以書經領萬 **歷辛卯鄉薦為人質撲謙和不茍取與篤志好學将**

たこの日 という 楊起元之門甚器重之年四十四卒子其大生邁順 臺下桐禮之所著有嬌雅集 愛請左氏莊縣史記詩法漢魏威唐書工家隸行草 鄭露字湛若南海人生而甘露降庭因名露幼聰慧 治卒卯副榜製天象儀器訂正古令律吕推演三才 徧遊燕齊吳楚所至為之傾盖 開府張鏡心築館於 絕倫年十三補博士弟子員為人尚氣節工古文詞 為八十有一條編曰成經世咸重之 廣東通志

多分四人 石潭 李牧字日牧保昌人博學多聞正統辛酉舉於鄉思 南精寧逐豐城三色教諭遷淮安教授三聘文聞所 譽望特重所著有林塘集 至得人布政使陳選稱為真五經師少保邱濟欲薦 為文典斃有法尤喜蒐茸郡中故實雖位止儒官而 以館職會沒引年不果沒性狷介負氣不輕與人交 右廣州府 右南雄府 卷 四十七

員外至福建祭政好學能文旣致仕幅中杖樓徜徉 吳髙字志髙歸善人宣德八年進士思官刑部主事 薦至甲戌下第省父于</
房州誦書官解琅琅徹們道 書白鶴峰畫不踰闕夜不沾席其讀書之法以心對 楊天祥字休徵本博羅人父順遷於歸善生天祥讀 書以耳聽聲不求上口亦不强解當其讀書甚專壹 山水當修郡志文譽重一時 切不聞見為文操筆十言悉有根據正德丁卯鄉

久色写年之后

低水通志

金易世五百言 卷子自弱冠厲志讀書至今十三年一年之中除令 其黍度而止五策之文如其條貫而止論雖可肆亦 子猶為多而傷屋之中所取甚約何者七篇之文如 五十簡方之古人萬卷僅十之一二然以近世較之 節家慶及疾病之日不過六十日其三百日甘誦讀 膠人傳之丁卯成進士遺友人書曰古人讀書破萬 日不下三簡一年不下九百簡十有五年不下一萬 有步驟不得大賜至大廷之對檢點敬慎且晷刻有 忠四十

三くこり 夏 かたう 墨則削其餘剛應不能踰於人情物理擬古則迂反 敬贏卒百萬盖以此也昔尚子平敕斷家事編遊五 古則倍讀書雖多豈盡可用哉古人云精兵三十足 岳豈圖喻人哉亦求自喻而已然遊五岳則有跋涉 限難以及盡營之珍羞錯陳屬餐則止巨木輪国就 物之理此五岳也子史百家亦洞天福地也予福思 之苦離雖之憂喻年閱嚴僅乃編之五經備天地萬 之豈直以遊雖不足喻人亦足以自喻矣時人見其 **廣東通志** 台

多分四月全書 錢萬選字紹行歸善人年十二通春秋弱冠補諸生 書以為名言 林仕献揭陽人洪武間由儒士投色學諭轉本府教 言行端方不欺間室萬歷及已選貢南雅與楊起元 屢試報冠其曹郡守黃某廷為子師嚴色笑善詩廸 講學西湖為士子所宗祀鄉校 學能詩名聞都下學士宋濂當言潮去京師 右患州府 农 rg Ł

た己日東という 蘇稿潮陽人有夙慧再歲而孤五歲始能言自是矢 千五百里而遙然余知有林仕献也 婦娥成事中分無却於無處分明有渾似先天太極 **圖王世貞調湛若水恐不能到卒年十四祀之邑校** 統扇行時多稱之其咏朔月詩云氣朔盈盈又一初 子科赴京以年小令還里有司月給原所著秋風解 即應聲曰折梅逢驛使其警敏多此類洪武間舉童 口成章北山驛丞遇福拾穗雕上戲曰拾穗與神童 . 原東通志

蕭端家字日路潮陽人編修與成子少善獨文結時 魁期馬嘉靖壬辰廷對文益奇都御史汪欽訝其起 林大欽字敬大海陽人生有異徵翁萬達見其文許 辛丑登進士選庶吉士著論二十餘萬言出為御中 置第三進呈帝親權第一投修撰尋乞歸養未幾卒 語違制大學士張字敬曰是個於解必當帝意遂品 大欽夙以才自負雅慕蘇氏學為文酷似之 以國器弱冠應鄉試對李綱十事御史吳麟即以大 お デスミショ N.シ.シ 古作有井丹集 陳時政十餘疏文氣古雅有同野集時林大春亦工 西監試又得解首李貴程録好出其手海內傳誦之 按貴州請增試額是年監試得解首孫應鰲再按 梁敏字以的髙要人父至孫有善行仕元為新州 清遠教諭思繁昌究平縣丞以文學薦特雅左春坊 知敏性孝友顏悟能文年十九舉洪武壬子鄉科為 右潮州府 M 廣東通志 全立 同

多片四月在書 鳴鳳圖操筆立就成祖稱賞不已尋以乞休忤旨 左替善者遇日隆常被命作午門觀燈詩及賦朝陽 著作年九十有六卒有雲洋集 選文行後者入私問習譯館文字瑛與馬初為庶吉 鍾瑛字汝器髙要人修屑豐頗沉默簡重事親孝年 仕中年喪偶不娶自奉如寒儒以勤儉訓諸子多所 途陽死牧再自陳復謫枝江訓導疏屢上得復官致 十一遊郡库子史百家靡不該治永樂辛卯登進士 籺 Ŋ 謪

ここり 日本ラ **曹作潭底月詩百餘首以見志人多稱之** 機取復任督徐州百步洪以康謹著聲政眼喜強詠 户部山東司主事調工部以太冗官記名于家未幾 陳衡字祖平陽江人舉永樂丁酉鄉試補上舍生授 士無何授編修肆力編摩詞林稱重賜馳驛歸省鄉 從不殊章布丁內艱歸哀毀成疾而卒 區大相字用獳髙明人為文有奇氣援筆數十言萬 人榮之秋滿轉大理寺正仍入秘閣纂修雖久居侍 廣東通志 t

多分四屆 ろ言 南太僕寺还二年移疾歸里居八年卒明季前後七 先後柄政者皆賞其文報引避一無所與自給諫調 歷及百舉於鄉已母成進士選庶吉士授檢討同修 國史經延展書思赞善中允掌制語居詞垣十五年 至孝公論侃侃義形于色其文行皆足重云所著詩 雅再使封藩愚齊晉吳越嵩洛衛湘咸著篇咏天性 子稱詩號翰林為館閱體大相始力祛浮靡還之風 卷 四十

久已日年 百年 破力行撫守直指使者薦之未幾以內艱去後補平 檢校補安肅縣皆學工書法長于詩賦所著有康山 麥而元字元人高明人崇禎庚午辛未與舉進士授 上海令城外有虎傷人為文祭之而虎去以註誤詢 山令告歸田里所著有超庭稿遊燕草遊除草 區懷瑞字於圖大相之子弱冠賦秋鴈詩宰相趙志 見點重之天啓丁卯鄉薦投當陽令值流寇殘 鹿東通志 尖

金牙匹左石重 海遺珠也延為上客凡著作皆其屬稿年三十二卒 鄉賢 南京鄉武官至禮部郎中藻思煥發朝中重之及祀 英優禮之閱四科不第州守張應宿一見驚嘆曰滄 吳宗直遂溪人性敏慧通聲書工筆礼建文已卯中 梁調元欽州人年十二補弟子員治春秋督學表茂 右肇慶府 右麻州府 K 内十

人王司旨人生司 一 榜推弁見任的安縣令有惠政卒於官 自成化戊子後無登第者素蘊領嘉靖乙卯鄉薦 柯時復海康人領萬歷乙酉鄉試性嗜古尤喜詞賦 陳素蘊字鳴城徐聞人少有才名工書好吟咏徐聞 效杜南作七歌意調悲壯居父喪哀毀盡禮俄得疾 鄭儒字子珍瓊山人廷鶴之子少守庭訓淹背經史 卒子鳳翔孫元芳時有文名 右雷州府 廣東通志

多方匹人る一 黎正字彦晦新會人少時從孫黃遊博通經史好楊 臺曰此吾嚴陵瀬也八年辟明經至京以病不赴部 惟古今洪武初補郡庠生舉為邑訓導不就退築釣 抄筴恒追京師作為詩文有出塵之趣司訓容库轉 自警棄井銘以訓士題留餘軒以見志云 上海思連州廣州却贄幣勤於課士當著竊位箴以 憑 右瓊州府 卷四十七

ここうらいたう 嘆曰風景無恙老子亦復歸來吟嘯久之乃抵家卒 試遂賦詩出都門後以事戍遼東十八年備當艱阻 為文哀之讀者墮淚自遼歸適薄暮亟呼酒昼釣臺 在遼時孫黃亦戍遼抵法正解衣果其屍葬之安山 而意氣益增比放還杜門不出學者多從之将初正 張為字彦謙新會人羅蒙正弟子也情學强記年十 年五十九所著有林坡集元史斷諸書 賦屋門詩家正器之長益潜心經籍洪武初知縣 CT. 廣東通志 九十

多方四月全書 謝景賜為構堂于象山之麓俾邑人師事馬扁其 祭議英具曾孫也博記能文在工詩 賦南遊郡庠隱 提領始籍南海傳子季澤明洪武初舉人材赴闕授 陳英字廷佐原籍四明扈宋入專祖德甫元廣州路 門左澗當四山諸水之間常踞石倚树囂囂踽踽 居樂志授徒講學多士景從當建秋澗草堂于歸德 曰養拙學者稱為象山先生 顧超然放歌獨樂郡人稱之為秋澗先生香山黄佐 卷四十七 軒 四

灰足四年全書 ~ 黎和字伯英南海人少警悟能文美風儀事親以孝 養猶手不釋卷親沒爐墓三年既而還夏溪牌菜無 謹聞與孫黃唐豫友善元季避地槎溪歲凶力耕供 穗城二隱子則官御史立朝忠正别有傳 為英島弟其父畿建粤洲草堂英與為道義交時稱 **好修冬士也** 茂才至京以老疾乞歸時東莞表友信亦兩被徵書 耕整自適當揭八行為家訓鄉人化之永樂庚寅辟 馬東通志 生

金り 鄧信字行南新會人自稱水石山人精詩 畫及岐黃 性孝友温粹削迹公庭徜徉山水遍然自得蕭博士 夢隔城西晓月孤當過陶博士題其壁云陶潜今亦 端升慕之及遷瓊教授諷索別章强而後與詩云散 聖之清五柳柴扉近市城秋思滿天人欲醉碧雲屏 袖秋風老一株美人南去有詩無六年相問不相見 林泉立順他人自少敏悟博涉經史皆通大義明初 簫聲其風致率如此

ここうにくにし 詩行世 在今廷期之孔修請筆置對第曰母言良是令疑馬 隱居不仕教授生徒與黃真學關河叟吳竹蘇将 街混跡園間人不識也張翊薦于陳獻章獻章稱之 李孔修字子長順德人自稱抱真子僑居省城萬第 **靡之則乳修庶母已改適所言盡証乃禮敬之貧居** 名不答拱手而已令怒其無禮答之會庶母起其奪 名由此著一日乳修輸糧于縣縣令異其容止問姓 廣東通志 华二

欽定匹库全書 **疏食不繼未嘗一類眉詩字問出新意或觀山水歸** 教經紀其喪尚書霍翰菲之西樵山志其墓謂白沙 樵者復以薪求畫笑不應阜帽深衣不同俗製經句 樵薪錢畫一備與之樵者快快中途人争購之己而 而過之畫指絕工公鄉以箋素求之報不可得當負 久與乳修為布衣交既沒無子副使李中少恭王崇 振世之志唯乳修張謝謝佑不失其宗云 出户公遠近國視吳廷舉由縣令思諸泉在學最

謝佑字天錫南海人當從陳獻章遊一聞主静肯於 雲山以佑配 病中題詩寄友人湛若水遂卒後若水祠其師于白 遂築室葵山之下棲馬并日而發機不掩脛晏如也 全三卷存羊録十卷時本周禮云 章後即奪舉子業從之遂不復應舉所若有禮意大 何廷矩字時振番禺人為郡諸生以文行著見陳獻 ううしい 鴻字振儀香山人年十五有聲庠序成化甲午舉 廣東通志 尘

欽定匹庫全書 於鄉屢厄會試梁儲為少宰鴻肺附戚也客或誠之 遂絕意仕進卜築蓮峰下鑿池構專倘伴自樂祀鄉 鴻正色曰子徒知少宰能貴人獨不知人有良貴耶 張纓字廷弁弟綱字廷文順德人兄弟並出湛若水 賢 退縣令宋邦俊督學魏校張希舉先後表揚之網好 之門孝友敦樸執親之喪一循禮節纓旣終喪遂怙 行義輸栗助縣為族里倡邑請鄉飲不就終身欽欽 起, 四 t i

Carried Little 陳鶴世龍南海衛百戶生而額悟絕羣年十餘已知 異異時間一難 官遠遊自號海樵山人喻粤稿下彭蠡将吳渡越偏 好古書名畫窮畫夜誦覧十七張祖爵不自悉鬱鬱 **倦遊而歸士常輻輳其門酬接無倦已而復遊金陵** 交海內知名士歌端吟詠一坐盡傾其學無所不通 得奇疾則自學為醫久之洞其古七年而病愈遂解 酣嬉淋渴變怪百出所作詩歌書畫時緞逸有奇致 廣東 通志 本四

多员匹厚全書 造顧尚書珠先一夕珠夢李白至及見乃山人也遂 畫盛粥長白山時事示其子光光所欲讀之書必購 深相結客留四年竟不復返磷當稱其意氣雄邁凌 跨諸貴遊似東方朔五官並用才思敏捷似劉穆之 林彦愈東莞人少服質因於魚鹽已乃手書范仲淹 至於被雜俳優忽而整襟談道抗論世務又大類曹 而胎之久之光舉於鄉從陳獻章講學則愈喜呼光 子建盖天才宏放依隐玩世之士也 朲 P**S** 200

いた四庫全書 謂曰汝學能有立吾吸殺飲水廿之不求行青拖紫 黎舒字以和增城人為人敦樸恬淡能文章而不樂 仕進實隨父皓室西粤清苦自勵父深喜之遣問甚 單雅增城人隱居羅浮從湛若水遊遊於嚴實問常 憚罄家索以襄之御史治班為之志其墓 若水川講心性之學至數日徘徊不能去若水問其 可追於道云性好施予里中骨有暴者發弗給者不 **医四十七** 九五

代射族人道糧殊無本色旅中拾遺金追而還之鄉一 陳觀字思賢南海人四歲而孤稍長讀諸子百家書 誦古言行築亭江濱不求附達四方髦士多就講學 强記數千言從孔百平遊嘆其賴悟平居製古中服 尤長於詩有幽雅之致時與同志進艇沙水間出瓦 忠孝年八十六卒有集傳於世孫錫見人物傳 缶疏食賦詩論學生平無疾言厲色誨子弟報告以 人上其誼於督府蠲其差役

大足四年 白馬 金部字廷言其先廬陵人從权貴以水軍千戸調衛 者知其為有道之士云卒年七十四邑令喬語葬之 监重之晚年養愈冲粹喜怒不形未當疾言遽色見 不茍取雖往來諸名公問終身未當有所干人以此 少鄉久之充然有得筋躬砥行毅如也家最貧然皇 抵遂受學馬與陳謨郭肇竟相策勵終日正襟未當 何維相銘其墓 **鍾景星字叔輝東莞人少習舉業聞湛若水講學西** 廣東通志

金岁里五名書 幕府恭隨時總制大征田州及黎賊兩遣調兵于思 都鶴髮飄蕭都人士以為仙骨魚問長生缺的日修 矣欲一往觀金陵形勢跨大孤匡廬以泛都陽抵南 於鄉部日賴祖宗之庇幸有今日吾耄矣汝其勵志 恩忠州督兵所過秋毫無犯制府奇之子節庚千舉 短本造物得來就清心寡欲似亦有助借居倪氏花 以報後節登丁母進士歷官南户曹郎韶年七十 廣城占籍鍾村少聰敏精楷法初業儒後以武申補

こうう トー 霍傑字民先任季弟也仍價不凡脫然世外當遊羅 **隱深居一室有司延為鄉飲大濱年八十而卒** 者獻夫笑曰古之狂也居三載忽出省城別知已登 浮不食十數日無機色屏去厮僕獨棲西樵錦嚴中 採歲和栗坎之聞湛若水講心性之學移書辨論久 園密書其別室曰謹言語防物議其自持若此後 歸 越秀山坐石而逝 之信服願執弟子禮方獻夫與論古今名賢無當意 備東 通志 九七

多先四年全書 陳陳字子覺增城人少倜儻自雄遊于陳獻章之門 遞登顯要張獨閉門敦古年八十二卒朱尚書例志 **肯學張字藝卿番禺人幼賴悟精毛詩偕李義非倫** 鱼稱之讀書于南海廟大書一 縣於門御史按部見 長公之句盖深與之也 文叙王漸達擴拓古今商確理道三人雅重之已而 而奇之以禮名見後訪獻章語及陳歎曰斯人異才 也當成其器獻章當與之詩有過客窺諸葛論詩病 Į.

くこつ 日 たいこ 壶船為詩清職開運不減王孟書畫出入骨宋時稱 黎民懷字惟仁從化人貫季子少受業於黃官詹佐 鳴鳳倡和翁然稱之廷武後歸至豫章諸王孫開 大奇馬嘉靖乙丑膺歲薦抵京與王世懋吳國倫張 才名争求識面既歸絕意任進日惟操解染新雅歌 佐深器之與兄民表民夷有三鳳之稱督學蔡克康 其墓調無幾髦期不倦云 三絕雅慕神仙所居室紫芝生馬趙志皐稱其蒼顏 海東通志 北大

多方匹付在書 解乃改南刑曹乞終養許之桂帝師事湛若水遂與 士授工部主事時夏言當國諸司震懾桂奇與語 冼桂奇字奕倩南海人領嘉請辛卯鄉薦登乙未 進 古骨逸思髙風比之陶元亮贈以詩有談元即鮑葛 屈遂為所忌無何吏部郎缺霍翰擬補桂奇桂奇 作赋擬機雲之句卒年八十一有清居集 維浮革腹布服無異野人世稱其清風勁節云 俱南訪匡應遊白鹿登武桑歷覽諸勝歸而奉母 巷門 + Ď

次定四年全書 人 學好古善屬文累試不售歸隱石頭鄉怡情高尚 霍若那字質事南海人 門教子生平謙讓康潔鄉人咸推長厚馬年七十卒 行世子昌龄孫的俱有詩名的子一士字貴諤以禮 府訓草講學不倦歸里與陳獻章唱和有龍洲草 經世其家兩中副車當事式爐不得一見歷吳越晉 周郁字尚文號耿卷東莞人應禮記明經福建漳 子子偉登辛酉賢書思官刑部員外 人口トと 人贈尚書霍華孫居家孝友博 九九

餘者刻之档草行禄與父並美云 饑米藥止施存活者聚郡邑屢聘鄉飲子誠字表端 親甚孝嗜讀書照居有威儀衣必布素恒喜施與歲 陳世善字惟敬南海人別號海槐祖則正德間名臣 至隱居仙溪平生所著多不存稿翰林張家王檢 園稿走将諸草行世子顯少類異屢武冠軍徵辟豐 **楚間所交多名人善書法世稱為石林先生有五老** 按楚時常獲南微異方世善煉九救人海內傅之事

人民日長 八十五 諸生未四十喪妻即不娶獨居五十餘年杜門著述 方正年金百歲而終著有静觀存稿以施經授時貴 士貴益順治戊戌進士孫賓王領壬午鄉薦 用體用雖殊節觀無二建節觀亭學使者魏校與其 力學三十年一日語及門日吾學静以為體觀以為 性孝友精於經學與先哲鍾鼎臣交屬廉陽尚氣節 屈起鹏字圖南番禺人家質力學年三十餘始補邑 年八十五猶入鄉聞監臨御史憐之起鹏自稱矍鑠 廣東通志 百

金页四月 在言 嚴僧創建羅浮華首臺水廣洞山諸寺而棲托馬崇 舉鄉為見巨瑞魏忠賢搏噬正人不求仕達師事黃 稍丙子部舉賢才不就戊辰修邑志後卒於江西廬 張二果字稱復東完人喜然究性命之學天於丁 可用既而歸隱沙專設帳講學年九十八卒 潘格字太操者禺人湛若水門人也直內方外鄉黨 化馬亞祖廟於西村葬先世於西竺俗尚侈麗梧 山以浮屠法葬所著话佛書 夘

た正日年上午 墓中而潘氏獨完人服其遠識年八十卒於萬思 築土令堅級而已其後廣州被圍衝車礟石多取 定山中數月卒子棋元學博牛武舉以學行世其家 或呼之引至誰樓外仰視曰我平生未當入此翻 中崇禎庚午鄉試數上公車甲申後偕弟雲街入 舉紀鄉賢二子繭珀早卒孫雲衢少賴具梧自教之 即負手行歌於道求火公于寺觀絕不干人縣中 新會負沒者不知何許人日擔水賣於城外得數錢 1 廣東通志 Ī 羅

多男にた 笑還之失金者酬以金不受疾走視其擔具向壞 失金者至遽曰金在旁人教令考問其數數合即 而 去 一 藥多生柑荔園絕不犯柑務雖自落者亦不顧人 問之曰自食是盗也圃不容盜入是自絕也日得 新會採樂者不知何許人日採九里明賣以為食 錢以其半入酒肆 欲為易之負汲曰吾不舍吾舊益疾走終不 日道上拾遺金默坐其處人問之不答既 醉即行歌歌詞多超脱一日道 卷 Ł 順 怪 挽 而 其

九月日上日 1 得好人其測其意項之一女子哭而至笑曰失實者 遊陳獻章之門有詩贈之曰忠臣有子堪傳後古道 至矣真藍于地今自取之主者饋以金搖手而歌 拾金到珠珥置藥監中歌曰寶寶寶得好失好失好 鄧球 關次子樂 昌人聰 類好學領成化甲午鄉舊 當 **餞入山不知所終** 不受不受真不受還金監查得金臭悠然而逝後歲 右廣州府 廣東通志 互 曰

金グピルる言 黃器先前源人幼岐嶷工對向年十一遊邑庠王守 歸隱居青龍玉華二山間安貧樂道絕跡不至公庭 仕年八十三卒 林假翁源人號友琴居士性孝友生平恬約晦迹不 居家三十餘年杜門課子與松前為仍 譚髙字德崇以貢授上猶訓導陸華陽教諭遠乞歸 仁來無民見之授以傅母録當任建寧訓導年餘告 無人僅見君自稱東川居士吳廷舉建祠祀之 PS**J**

くこうう 劉天然字中江仁化人明經不仕圖書四壁課子之 學魏校題其門曰者儒逸史 中以德望與薦辟固解不就 鄧思顏字于復樂昌人少遊 響序即毅然以名教為 廖欕字鑄于曲江人皆書史好友樂善隱跡淮園督 餘不干外事所居號樂此園 已任沒義田為孝友族有束脯弗給者報與之萬歷 所著兩京賦儒頤集弟德先並有文名 1.1. 廣東通志 百

多员四月全書 省如禮不有私財為色諸生與葉天祐劉梧同舍志 書具時河源李學顏亦以諸生應貢不仕居鄉多大 聖賢之學成為至京卒業太學歸築處士臺居之為 謝憲字汝慎歸善人不事藻飾雅然鶴立事父母定 畔折竹枝濡赤土註易葉春及受而録之名周易行 中木展日攜離縣往來西湖浩歌至暮而返嘗於臺 節當建議修復故城有保障功後以子無貴封中 右部州府

大三四年八四 或勸之仕伯玉曰讀聖賢書顧外慕干禄耶明初復 敬彦作彦器皆屑鄉薦彦器名磺與兄俱受經於其 應的第一投大理評事尋以廉能選河南祭議至 **周伯玉名瑶潮陽人少貧讀書自娱累碎不起親** 被徵辟辭曰吾老矣無能為也以處士終子三人彦 母郭而彦器最知名洪武十六年會罷制科舉名 右惠州府 廣東通志 百百四

銀分正屋 全重 官母郭詳具列女傳論者謂伯王義至高而其妻亦 **黄環字伯循欽州人性淳厚甘淡薄洪武問舉於** 能悄隱至於三子甘賢滋以難矣 奇其事賜雁來池扁建坊于古渡口遭范子儀變爐 與家鄉遊息韓王思環教習之功屢遣使迎不赴因 任臨桂教諭陛韓府教授致仕家居有雲雁下前池 右潮州府 农 |-鄉

くこうら へらう 柳桐靈山人號海峰好學善事典母兄領鄉薦任永 舉大賓不就所著有松溪集 讀易每言奇中已而掛冠來歸修館舍教授弟子屢 寬大不假刑威中年解殺浩然而歸· 紀通字守塞靈山人居平南松栢山之麓生而顏 風 耿寬合浦人嘉靖於夘舉人任江西大庾知縣端嚴 精皇極經世之數事親盡孝由負投陸川司訓閉齊 府水通志 問有五柳之 五五 典

多穴四母在書 終不出 辛酉鄉為崇禎及未成進士歸家杜門不干仕進 梁羽翰號龍起海康人少負才名力學不倦領天於 巡按御史汪言臣給扁賜金帛與之 孫佐性靈山人行至孝隱居不樂仕進萬思十四年 新縣还清操自矢直指褒美之姚悦山水歸隱鄉園 同榜多在要津勘其出仕不應無何遂卒二子過餘 右康州府 长四 時

くたう言 **荒亦相繼而亡郡人惜之** 授官有隱逸田文詩傳于世 吏部移文嚴核强出應弘治十四年貢甘淡泊不肯 學士給稱之洪武木用大臣薦至京以三丧木舉力 籍於瓊博學能文當從趙及古講學毅然能自立解 縣廷用海康人恬於聲利再讓貢與同門黃珍陳端 王惠字仲廸號霜筠本籍合肥人從兄干戶志調官 たよう 右雷州府 成水通志 百六

多质四厚生丰 辭歸隱天下聞其節行所著有截山詠史獨南聲詩 責其報有為之者軟解終身晦跡年八十餘 鼓吹等集兄想字季成敦行善詩尤精於醫濟 唐舟華遊靈山分城宏以布衣與列西氣體道 王宏字孟遠號報養瓊山人少孤母韓氏矢節無之 徐祥萬州人世本常山父官税課局生祥而卒鞠 吟咏自娱正統間大祭龔璲都聞王清及致仕御史 既長力學工詩文以母年老不求仕開鄉塾訓子弟 冬 19 Ł

欠臣日華全等 一 拿比傳經即老師宿儒皆北面馬郡邑欲周其貧不 岩於教事人稱建溪先生 就或勘其復應科舉長彌曰學問人也出處命也遂 劉志明字晦伯定安人性敏好學尤精於中庸年十 母孤告力學登永樂戊戌進士知氣縣以母垂白不 蔡任儲字鍾秀瓊山人質粹行純博通羣籍年十 忍遠離遂以隱居終州人登進士自祥始祀鄉賢 以諸生充貢永樂問奉當道敦遣署學事士多成 唐東通志

受高雷之士越海從之者甚聚領正德庚千鄉為遊 太學當發道心人心之肯及義利之辨祭酒湛若水 重厚寡言笑不急仕進亦不治家人產常被盜有司 老侍養隱居不出 講授三年歸篤志樂貧精思實踐甲辰中乙榜以親 鄭汝喬字允升文昌人額悟博治領鄉薦從湛若水 深服之然政林士元稱為明道先覺後竟不仕 王允升字異甫定安人父信好義樂施有隱德允升

ここフラーニー 至顯官 淡結廬山中歌咏自樂州守柳塘旌之曰清修博雅 追還百餘金允升以非原物不受人稱其介子弘誨 趙志科文昌人中嘉靖鄉試以母老侍養不任性恬 **伴林壑以終天年嘗曰書如靈丹服之便可入僊窮** 庠界不得薦椒葉而耕於野題其室曰東岸書舍倘 自少魁岸言論英發淹貫經史尤長於詩賦曾遊 紀綱正字恒之其先監城人祖戊崖遂為崖人綱正 衛東通忠 百二 郡

多灰四库全書 雲名山字静坐文昌人顏悟好學以貢為西寧新與 辭 曾所澄邁人儒雅弘博號幽求子當道給冠帶詩 多苦學勵行 弟名元亦姚味道書年三十六即棄青於脩隱邑令 學訓歸而築月浦新居關霞洞石室以資吟咏年 通修短浮温闹教授生徒表正鄉里崖士出具門者 十餘猶手不釋卷當得瓊山店博士私法祈禱立應 以詩云電錫也知章服重遊遊自覺草衣輕 學 四十十七

蟾其族人 夀 ラー ここう 梁大材羅定人孝聞於鄉萬歷間歲貢歷仕至象 州 賀沚表其隱德學使者給以冠帶不受兄弟俱至 梁俸棟西寧人崇禎年 間為 明經隱處不任性温 居於州之南以吟咏山水自好為師營墓設義田 知州遂不赴曰吾雖不及那曼容於此足矣構五 右瓊州府 廣東通志 一百九 厚 柳

欽定匹庫全書 淳為居躬坦易接人萬如津引後學諄諄不倦終身 必冠軍性抗直不少貶求仕恰情泉石詩文晚而益 區國龍西寧人少孤貧事母至孝弱紀食篩邑库 廣東通志卷四十七 未審私謁長史之庭累舉鄉飲不就令長以此島之 工所著有黃石集 右羅定州 三百六人